

cum usus exigit, lanuginē platani impositam fistulæ arundineæ cui geniculi sint
 adempti: insculpta autem sit, qua parte imponitur: auribus inspirato, statim san-
 guinis fluorem aufert. Chalcanthum diligenter tritum reponito: in usu rasuram
 aliquam lintecolorū intingens in medicamentū, imponito. Spongiam cruda pice
 mersam comburito, atq; ex hac linamentum tortile excipiens, imponito. *Aliud,*
 Oui putaminis partem unam, gallæ immature tantundem: læuia tortili linamen-
 to aqua merso, aut aceto, excipiens imponito, frontem & nasum gypso aut luto si-
 gulari oblinito: aures autem ualidè continere præcipito. Nonnulli spongiam afri-
 canam in aceto acerrimo decoctam, deinde expressam, eiq; lapidem densum, igni
 10 tum, circumdantes accenderunt, iubentes uaporem attrahere.

Quæ Andromachus tradiderit.

Ad sanguinis eruptionē in naribus nihil quidem peculiariter scripsit Andro-
 machus. Quoniam uero ex ijs quæ sanguinem reprimunt, plurima hanc quoq; si-
 stunt, idcirco etiam ego huiusmodi medicamenta ab eo prodita apponam. San-
 guinem coercens remedium, quo utor. Chalcitidis, miseos, mannæ, singulorū dra-
 chmæ quatuor: læuibus utitor. Chalcitidis drachmæ centum, chalcanthi drachmæ
 quinquaginta, miseos tosti drachmæ uiginti quinque, æris cremati drachmæ duode-
 cim semis: læuibus utitor.

Sanguinem coercens medicamentum, Megale dictum.

10 Misoos cyprij drachmæ septem, chalcanthi tantundem, piceæ corticis drachmæ
 quatuor, squamæ æris drachmæ quatuor, mannæ thuris drachmæ quatuor (alij dra-
 chmæ quindecim) æris usti drachmæ quindecim, chalcitidis drachmæ quindecim,
 calcis uiuæ drachmæ octo (alij quadraginta) gypsi torrefacti drach. quatuor, (alij
 drachmæ octo) læuibus utitor.

Medicamentum sanguinem arcens, Aphrod.e.

Chalcitidis drachmæ sex, mannæ thuris drachmæ duæ, resinæ terebinthinæ frictæ
 drachmæ quatuor (alij tres) læuibus utitor.

CLAVDII GALENI PERGAMENI DE

COMPOSITIONE MEDICAMENTORVM SECUNDVM

locos liber quartus, Ioanne Guinterio An-
 dernaco interprete.

*Disciplina affectuum oculis oborientium, inter quos etiam de medicamentis rosionis
 experibus, & emplasticis, alijsq; uniuersis agitur.*



40 **H** Aud alia sanè quædam oculi medicamentorū compositionis
 methodus est, alia uero usus: ipsa nanq; cōpositio ueluti usus
 respectu efficitur, dum id spectat qui medicamēta cōficiunt, ut
 ex usu ipsorum auxilientur. Quemadmodū uero in alijs, ita in
 his quoq; nonnulli citra distinctionē usus medicamentorū con-
 scripserūt. Exēpli gratia [ad dolorē idoneū hoc est] nō adicien-
 tes præterea in qua dispositione dolore oborto. Quidā etiā dis-
 positiones exposuerūt, alij experiētie magis innitētes, alij rationi. Experiētiae qui-
 dem magis acquieuerūt, qui signis euidenter in oculis apparētibus, distinctionē mo-
 liti sunt: rationi uero, qui obscurè aut nequaquā apparētibus. Cōspicue quidē appa-
 ret fluor copiosus & paucus, rosionis experts, & rodēs, rubor amplior, aut minor:
 sicut & uenæ modici & multi plene sanguinis: itē inflātionis tumor minor, aut
 maior: ueluti & uarietates colorū præter naturā: crassior pituita angulis erūpens,
 copiosior aut paucior, aut minor, aut maior. Apparent aut nobis euidenter etiam

* *vetus addit,*
sanis.

aspertudines in oculorū palpebris oborientes. Quid opus est dicere, quod ulcera & pustulæ, tum loco, tum magnitudine non parum inter se differunt, aliaq; id genus? Alio autē modo ex his, quæ manifestò apparēt, etiam dolores existunt. Nihil enim refert siue * nobis, siue laborantibus appareant; etenim quod dolent, & quo modo, constat. Quod em̄ compressione, uel tensione, uel cōstrictione, uel erosione, uel quibusdam pullibus dolent, palam nobis indicatur; non autem huiusmodi distinctiones apparent, sicut nonnulli scribunt, ad defluxionem, quæ ab internis caluariæ partibus suggeritur; ad defluxionē, quæ ab externis prouenit, aut, per Iouē, quæ ab arterijs & uenis deriuatur. Cumq; dicunt aliqui intensionem, aut crassorū uiscosorum uē, uel multorū humorū cōstrictionē in oculorū alto existere, nullū horum accidens aded laborantes grauat, ut uehemens cuiuscunq; particule dolor; non enim in solis oculis. Nam quidam mori malint, satius esse ut hoc patiantur, arbitrati, quàm toto die dolorē sustineant. Ego autē cum in alijs quibusdam, tum medicatoria methodo manifeste persecutus sum generatim dispositionum, propter quas uehementer dolent, differentiam, quæq; uniuscuiusq; causa ipsarum existat, scripta sunt à me etiam in decimotertio medicatoria methodi libro, omnia quæ de oculorum dispositionibus ad curationes ipsarum necessaria medicum scire conuenit. Dicitur etiam nunc summam, quantum ea ad præsentem disputationē conducant, hoc est, quæ materiæ disciplinæ coniuncta sunt. Etenim liquores, succi, semina, fructus, & stirpium particule ocularijs facultatibus immittuntur, sicut & ex metallicis dicta non pauca: alia extremè austera, acerbæ, & acriæ; alia quidem his moderatiora, ueruntamen ualida; sicut & quædam omnis rosionis expertia lotionibus reddita.

De medicamentis rosionis expertibus.

Pompholyx lota nullo medicaminū mitissimorum inferior est: ideoq; ipsa utimur ad tenues acresq; defluxus, capite nimirū unā cū toto corpore prius uacuato. Corpus quidē totum sanguinis dimissione & purgatione uacuari nemo ignorat: caput autem medicamentis quæ per os educunt. Potest enim pompholyx lota, sicut & spodium, & amyllum, simul quidē humiditates moderatas siccare, simul uero prohibere, ne humiditas superflua, quæ in grandioribus ipsorum uasis continetur, per tunicas euacuetur. Nam cum quis humoribus in oculos defluentibus, medicamentis utitur quæ obstruendi uim habent, priusquam caput sit euacuatum dolorem excitabit uehementē, dum tunicæ distenduntur ob humorū influentium copiam, & nōnunquam rupturam aut erosionem ipsarum molietur. Eiusdem generis est cum prædictis medicamentis, subtenuis ouorum liquor, qui egregiè humiditates abluere, asperata delinere potest; obstruere autem tenues meatus illis similiter non potest, sicut neq; siccare. Fœnugræci autem succus, quātum ad uiscositatem attinet, albo ouorum liquamini per similes est, ut digerente, sicut et mediocriter calefaciente præditus, eoq; multos dolores mitigare solet.

De acribus.

Liquores. Maxime autem cōtraria horum materiæ genere est acrium liquorum facultas: exempli causa, cyrenæi, medici, sagapeni, euphorbii, & summam eorum quæ uehementer calefaciūt citra exasperationem; quæ facultas non solum in liquoribus, sed in succis, seminibus, floribus & stirpium fructibus comprehenditur.

De abstergentibus.

Tertia à prædictis est ualida facultas medicaminū abstergētium, cuiusmodi est æris squama, chalcitis usta, æs ustum, sicut & flos ipsius, & misy, & sori, & stimmi.

De exedentibus.

Proximū est his & aliud genus, sordes excernentiū, quale est arsenicum, sandaracha, & aliæ petreæ flos; item misy huius facultatis modicè particeps est. Aliud autē genus

genus medicamentorum est, quæ in oculares facultates induntur, astringere idoneum. Quæ igitur moderatè id faciunt, influxus repellunt: quæ uehementer, dolorem augent, tunicas exasperando, magis quàm influentiũ impetũ reprimãt. Misceatur aut nonnunquã utiliter ex ipsis paululũ medicamentis quæ uisum exacuũt, contrahendo stringendoq; oculorũ substantiam. Quæ modicè astringunt, utilissimæ sunt lippitudinibus: conducunt etiam alijs omnibus dispositionibus ulcerũ, pustularũ, & fluxionũ. Sunt aut huiusmodi, rosarum folia, flores, succus, ericæ fructus, nardi spica, præterea malabathri folium, crocus, lycium, & hypocistis dicta. Vehementioris quàm hæc astringentis sunt acacia & omphacium, quæ ex genere succorum & ipsa existunt. Iam balauftium, mali punici flos, & gallæ immaturæ, generis sunt eorum quæ ualide astringunt.

De concoquentibus.

Quæ inflammationes, aliasq; dispositiones cõcoquunt medicamenta, sunt myrrha, crocus, castoreũ, thus, scenugræci decocti succus: quæ etiam digerere possunt, præsertim myrrha. Talis sanè est oculariũ materia. At qui natura prudentes existunt, & exercitati ratione, nihil præterea disciplina mea indigent, cum ipsi ad singulos oculorum affectus, idoneũ possint componere medicamentũ. Quoniã uero pauci tales existunt, & multorũ utilitatem respicere oportet, satius uisum mihi est, sermonem de ipsorum compositione integrè persequi, repetita prius compendij gratia medicamentorum cõmuni genere, singulorũ, quorũ memini, facultate: quæ quidem summam in quinto simplicium medicaminũ operis cõmentario comprehensa est, subsequẽtib; autem sex libris usq; ad extremũ particulatim explicata. Utar autem facultatũ, quæ medicaminibus insunt, appellationibus, quas in prædicto opere perspicuitatis gratia proposui: quædã sanè esse dicens terrestria substantijs citra manifestam frigiditatẽ, aut caliditatem, sed in medio quodãmodo horum constituta: atq; ex his ipsis nonnulla modica frigiditate, aut caliditate prædita: nonnulla uero prorsus nullam eiusmodi uim representantia. Totum autẽ genus ipsorum emplasticorũ, hoc est, quæ infarciri possunt, medicaminũ, nominauit, contrariam uim ijs quæ aperiunt referantq; obtinẽtium: qualis est famius aster, tenuiorũ partium, quàm quæ simplex ita dicitur, terra famia: item elota pompholyx, sicut & cinis ipsius elota, et cadmia usta, lotaq;. Videtur aut mihi etiam exiguam quandam abstergendi uim ei inesse, siue post uestionẽ, siue sine hac lauetur: pompholygi uero & spodio, paruam quandam astringentiam, ueluti etiam plumbo post uestionẽ, lotionemq;. Quinetiam hoc medicamẽ omni rosione caret, sed nonnihil astringentis obtinet. Siue autẽ masculino genere, siue foeminino pompholygẽ uelis appellare, nihil interest. Quemadmodũ & amyliũ, quod & ipsum exacte lotũ, omnino rosionis expers est, & medium, ut neq; adstringentem habeat, neq; acrimoniam, hoc est, neq; frigiditatis, neq; caliditatis particeps. Iam uero cerussa lota proximè uiribus plumbi usti lotiq; respondet, manifestumq; ex adstringentia ostendit indicium, omnino qualitatis expers, ut gustu, olfactuq; amyliũ & famius aster uideatur. Totum igitur huiusmodi medicamentorũ genus, siue exiguã gustu, aut odoratu qualitatem ostendat, siue nullã prorsus representet, purissimis aquis similiter apceon, hoc est, qualitatis expers appellatur, ac sola terrestri substantiæ parte siccare mediocriter potest: quare etiam longiore spatio auxiliũ, quod ab ipso prouenit, sensibile reddit, cum primis diebus nihil iuuissẽ uidebatur. Adhibetur tamen à medicis ceu omnino rosionis expertia in dispositionibus curatu difficilibus, in quibus ulcus est, uel solum, uel cum erosione, & tunicæ cornu speciem imitantis, & eius quæ acinum representat, rhagoidis dictæ procidentia, sanie mordacissima effluente. In his enim nullũ aliud medicamen cõuenire potest, dum astringentia quidem sanie effluentẽ retinent, & hac ratione dolorẽ, qui ex ipsorũ morfu cõciliatur, intendunt:

Cerussa.

acria uero dispositionem adaugent, siue in oculis solis fuerit, in eiusmodi malum habitum particulis prolapsis, ut id quod influit, corrumpant: siue etiam id ipsum quod influit uitiosum existat, aut solius capitis, aut etiam totius corporis uitio tale subsistens: unde & affectam particulam ad curationem idoneam reddimus, & totius corporis purgationibus & reuulsionibus: primū quidem per inferiora corporis, deinde & ijs quae ad occipitium capitisque cutem accommodantur. Ceterum utimur nonnunquam arteriae incisionibus, posteriores capitis circa aures positas arterias diuidentes, praecedentesque particulam ex ijs quae tempora intercurrunt, ut postea nos solam in oculorum tunicis generatam dispositionem curemus: a qua etiam sanguis probus, qui per uenas ad ipsas deriuatur, corrumpitur. Itaque aduersus has dispositiones solas prius comprehensorum medicaminum genus congruere uidetur, quod citra rationem malum in affecta particula humorem desiccet, qui, ut dixi, id quod influit, corrumpit. Etenim adstringentium facultas † neque siccet huiusmodi dispositionem, & mordacis saniei affluxum cohibet. Calidorum uero & acrium non solum nihil iuuat, sed etiam mordacium humorum qualitatem auget. At laxantium digerentiumque medicaminum uis euacuare quidem potest, quod generatur: non autem id quod ulceratum est, instaurare, aut cicatricem inducere, neque prolapsum reprimere & concludere: sicut nec concoquentium facultas: etsi dispositiones concoquere non mediocre bonum sit. Est autem crocus, ut dixi, myrrha & thus ex huiusmodi medicamentis. Quid opus est dicere adhuc de medicamentis, quae acidas, aut amaras obtinent facultates, quomodo rodant, talesque dispositiones exacuant? Plus autem malitiae referunt quae nitrosam, aut falsam, aut austeram uim possident. Reliquum igitur est genus, quod ulcera cum acri fluxione curare potest, ex medicamentis rosionis expertibus, quae recensui nuper, longiori temporis spatio uitiosum affecti humorem consumentia. Vocantur a medicis huiusmodi collyria, Libania, & Cygni, propter colorem quidem album, ut sunt olores, superante in ipsis amylo, terra samia, & cerussa rhodiaca. Etenim optima haec est, & colore albidior, leuior, & tenuiorum partium, ijs quae alibi nascuntur. In quibus autem alia medicamenta praepollent, colorem carulei tantillum misceat. Ceterum haec collyria ideo nonnulli cotibus coterunt, ex mamillis lac boni succi instillantes, eod quod ouorum uim emplasticam seruare cupiunt. Cum autem in lacte quiddam serosum abstergens contineatur, moderatus ipsius usus fit in proposita curatione. Nam ostensa sunt in tertio medicatoriae methodi libro, ulcera ut repleantur, absterforijs quae non rodunt, indigere. Verum si lac tale desideretur, praestat ex foenugraeci decocto collyria conterere, cum id etiam aliquid absterforium habeat, quod neutiquam ouis inest.

De scabritie.

Cum autem enumeratae dispositiones ad curandum sint contumaces, plus facessunt negotij, difficiliioresque redduntur, scabritijs palpebrarum superuenientibus, a quibus etiam in lippitudinibus tunicae oculorum dolent laborantes: sed in illis quidem proprijs inflammationi medicaminibus audemus exiguum quiddam ex absterforijs miscere: quale est collyrium ad scabritiem aptum, quod ex uino praeparat, ut primū quae palpebris succreuerunt, reprimat: ubi uero inflammatione minus infestantur oculi, asperitatem exterat. At in ijs quae ulcus cum fluxione mordaci experiantur, non licet tali uti medicamento: siquidem membrana cornea magis erodetur, & illius, quae acinum representat, procidentia erit amplior, & dolor uehemens hominem inuadet: intendetur etiam fluxio maligna. Adducti igitur in dubium medici, quid in huiusmodi affectuum implexu faciant, solum adinuenerunt auxiliū, ceu aliud facere nescientes, inuertedo palpebras, abstergere ipsas et sine medicamentis expolire. Nonnulli uero ipsa auersa scalpelli parte per summa deradunt: deinde

deinde spongia molli, id quod effluit, excipiunt, repelluntq; palpebras, reliquum asperitatis auferentes. Nonnulli pelles marinorum animalium quorundam in superficie asperas mediocriter, in huiusmodi usum assumunt. Vnus quidam ex meis preceptoribus collyrium fecit ex pumice, et asperitates abstergebat, palpebras inuertens. Constat autem omnibus pumicem exacte tritum esse oportere: & ubi hoc peractum fuerit, ex tragacantho, aut gummi figurari collyrium. Vbi temporis spatium fluxio per dicta collyria cessauerit, audemus iam absterforia medicamenta palpebris adhibere, miscentes pauillum aliquid ex ipsis per initia: deinde si hoc ferre homo uideatur, paulatim adaugentes. Postquam uero fluxio siccata fuerit, & palpebrae mediocriter habent repletionem caurum ulcerum, collyrio ex thure molimur, miscentes ei initio quidem pauillulū eius, quod ex uino preparatur. Paulatim uero misturam augentes, ut palpebrae non amplius tunicis oculorum facessant negotium, ulceraq; exacte pura reddita impleantur, & cicatrice obducantur. De his igitur abunde dictum est. Iam uero ad reliquos oculorum affectus & medicamenta digredi tempestiuum est.

De lippitudine.

Auspiciabor autem ab affectu, qui creberrime oculis obuēnit, quem proprie lippitudinem appellat. Est autem, ut didicistis, inflammatio tunicae, uel membranae, uel quomodocumq; appellare libet, quae, quod os caluarie ambit, periostios & pericranios graecè dicitur. Vocant autem hanc ipsam adnatam, eo quod alijs, quae oculum ipsum constituunt, tunicis extrinsecus obnascitur, ligamentū existens & ipsa toti oculi ad ossa circūiacentia: ideoq; ambiētes oculorū partes usq; ad mala nonnunquam in uehementioribus lippitudinibus simul attollunt. Constat igitur medicamenta quae tali affectui medent, subijci prorsus oportere cōmuni omnium inflammationē experiuntium curationi. Mentē uero adhibere conuenit etiā partis nature, quae supra omnē totius corporis cutē facillime patitur, tum propter sensus promptitudinē, tum propter substantiae raritatem. Ceterū repellentia medicamenta adhiberi debent, quae non exasperent, hoc est, non ualidam habeāt astrictionem, sed moderatiora quidem ipsa peculiari substantia: mixtura autem mitigatoriae humiditatis, multo etiam magis eiusmodi reddita. Mitigatorias autē humiditates dixi, ouī albumen, & foenugraeci decoctū, praeterca etiam lac. Verum prospicere conuenit, ut hoc iuuenule simul & boni succi mulieris existat, mamillis supra cotem expressis, in qua collyriū coneritur, ut tepidū adhuc oculis infundatur. Verū hoc in uehementē dolentibus, aut propter inflammationis magnitudinē, aut propter humorum influentium acrimoniā, facere cogimur. Magna autem ex parte sufficit albumen ouī, cū idoneis medicamentis lippitudines curare per collyria, quae, quod uno die liberant, monohemera dicuntur: sic enim non raro haec magnas inflammationes lenierunt, ut ad uesperā quidem homo balneo uteretur, sequenti die nardino collyrio dicto ad instaurationē corroborationemq; sublīneret. At primo illi admiscere ei pauillum quiddam ex acibus & reprimentibus oportet, secundo aut paulo hoc amplius: abunde enim est bis medicamentū applicasse, & modice ante balneum obambulare. Quae igitur monohemera dicuntur collyria, nonnulla sanè peculiari nomine Trygode dicta, multum habēt acaciae: quaedam uel omnino parum, uel prorsus nihil cōtinentia, squamam aeris assumpserunt: quaedam as combustum modicū, unā cum alijs multis quae mediocriter astringunt, coquunt, & digerunt: id genus est crocus, myrrha, lycium indicū, castoreum, & thus: line adstrictione coquunt simul & discutiūt. In quibus igitur astringentia prepollent, copiosissimū quidem humorē ipsius esse conuenit, minimū autem medicamenti, & praesertim si habeat aliquid metallicū medicamentum. In quibuscumq; autem crocus, myrrha, castoreū, thus, & lycium superant, multo crassiore utendum est medicamentō;

necnon fotu omnino in ipsis per spongiam, modicè quidem dolentibus semel aut bis die: si uehementius crucientur, præstat ter, quater, & sæpe uti, præsertim in longis diebus astiuis. Aut fotus ex decocto meliloti & fœnugræci accommodet. Itaq; de lippitudine abundè satis disputatum est, de ulceribus deinceps tractabo.

De oculorum ulceribus.

Indigent hæc quoq; eadem secundum genus curatione, cum alijs ulceribus, quæ copiosissime in tertio quartoq; medicatoria methodi libro sum persecutus. Cæterum propter particulæ naturam, medicamenta ab omni rosione seu morsu aliena adhiberi oportet: inter quæ dixi esse, quod ex pompholyge lota conficitur. Iam uero & succi quidã ipsis miscentur, nō solum rosionis expertes omnino, sed etiam qui uehementissimos lenire dolores possint, sicut mandragoræ succus. Nonnulli uero et polygoni succum contemperarunt: sicut alij ipsorum, oui albumen. Constat autem omnibus talia medicamenta, quum propè est ut formentur, misceri, eo quod citò acescunt: eodem tempore etiã rosarū succus additur. Proprie uero oculorum ulcerum materia & ipsa huc spectat, sicut omnes norunt, ut ulcus purum conseruet, tanquam natura particularum, & repleat & cicatrice ipsum obducatur, sicut in alijs ulceribus prædictum est. Quod si igitur inflammatio adhuc oculum infestet, aut etiam dolor aliquis, collyria ex thure & lotis metallicis, succisq; rosionis expertibus, admouentur. Cum fordida ex hoc usu fiunt ulcera, misceri aliquid oportet absterforium, quale est paccianū, crocodes ex uino quo utimur, admiscetes pauxillum ipsius prædictis medicaminibus. Cæterum hoc copiosissimum crocum habet, unde etiam crocodes nominatur. Mixta ei sunt etiam abstergentium metallicorum nonnulla, quare aspredines quoq; tollit, non modo exiguas, sed & magnas, quas sycofeis appellat: pterygia uero extenuat. De huiusmodi igitur medicamentis paulò postè tractabo. At ulcera quæ ex erosione tunicæ corneæ oriuntur, ut nonnihil etiam membranæ rhagoïdis procidat, quod & hæc tum propter se, tum propter id quod procidit, repellentia astringentiaq; desiderent medicamenta, cuius liquere arbitror. Tentandum uero in ipsis est deligere, quæ nullam asperitatem pariunt. Contraria his remedia, quod est, digerentia, pustulæ requirunt, necnon pus quod intra corneam membranam nonnunquam generatur. Itaq; recentia et adhuc inflammatione pressa, medicamentis ex myrrha, thure, & croco eliduntur: uetustiora, etiam digerentium aliquid assumunt, sicut & tunicarum inflammationes in scirrhum indurescentes: in ijs enim etiam ex acris liquoribus medicamenta hæc probantur in collyriorum speciem conformata: & facultates liquidæ, quæ propriè à medicis, ab eo quod illinuntur, enchristæ appellantur, quales & incipientibus suffusionibus præparant. In pterygio autem & sycofi, ut dixi, abstergentia medicamina applicantur, quædam collyriorum specie figurata, quædam licca citra formationem, quibus aliqui exiguum quiddam ex medicamentis exedentibus miscuerunt. His proxima sunt quæ scabiosas palpebrarum dispositiones curant, atq; idcirco à scabiè, psorica nuncupantur. Omnium ipsorū ualidissima sunt, & quæ ueteres callos consumunt, & quæ pterygia curant, ex medicamentis tum absterforijs, tum exedentibus compolita. Ac cum iam ego propè omnes oculorum affectus, & medicamina generatim exposuerim, dixerimq; medicamenta generalia rosionis expertia, qualia ex lotis metallicis componi docebã, fatius esse uidetur & aliorum ocularium medicaminum facultates persequi: hinc enim ad componendum promptiores fore, & ad iudicandum iam cõpolita acriores, eos qui in ipsis sunt exercitati, existimo. Cum igitur maxime lenia sint quæ superius enumeravi: item tria liquida rosione careant, quorum aliud fœnugræci decoctum erat, aliud lac, aliud tenuis oui liquor: in horū genere putabis esse & gummi & tragacanthum: & nisi prædicta tria promptè possint et cõparari & in usum

ut tribus

*Natura particu
le non parum in
dicat.*

*In tertio me-
thodi.*

*Ulceræ ex ros-
sione.*

*Ad scabiosas dis-
positiones.*

duci, macerantes momētum gummi, aut tragacanthi in aqua multa, similiter his, ut tribus illis utemur, ex ipsiſq; collyria supra medicinalem cotem conteremus, & ſola horum infuſione ſanies in oculis affectis creatas eluemus. Quin & nunc ipſis in omnibus propè collyrijs utemur: nam præterquam in paucis, omnia ubi læuigata fuerint excipiuntur his medicamētis, mediocriter macerata. Vnum ſanè hoc genus numeremus ocularium medicaminum ex tribus liquidis, tragacātho, gummi & elotis metallicis. Alterum deinde, quod exiguā roſionem obtinet, ex miſtura quadam modicè astringentium, aut abſtergentium, cuiuſmodi medicamenta ſunt roſæ & thus: quum roſæ quidem exiguam habeant adſtrictionem, thus autē modicam abſtergendi uim. Idem uero calidum cum ſit mediocriter facultate, ideo quoq; cōcoquendi uim aliquam et doloris leniendi occupat. Eiuſdem generis concoquendo, digerendoq; modicè, crocum & myrrham eſſe arbitramur. Hoc autē inuicem differunt, quod ille quidem mediocriter adſtringit, hæc citra aſtrictionē, non ignauiter humiditates & diſcutit & deſiccat. Generoſiora hæc uiribus ſunt thure, atq; idcirco etiam magis digerunt. Quæ autem abſterforiam uim non habent, ad ulcerum curationem thure inferiora ſunt. Huius medicaminū generis, dico autem concoctorij & digerentis, etiam lycium eſt & caſtoreum. Porrò conſtat omnibus, quod lycium indicū dicam, non hoc quod apud noſtras gentes naſcitur. Horum facultati accedit & ſarcocolla dicta, medicamentum concoquens & dige-
 20 rens. Hac magis adhuc galbanum, prædictas uires obtinet: uerum decoctum meli loti præter uim concoquendi nonnullam quoq; aſtrictoriam ſortitum eſt, ſimilis croco generis exiſtens. Inditur autem in facultates oculares etiam lapis qui dicitur hæmatites, ſiccandi humores facultate præditus: ſicut & cadmia; ſed mitius eſt ea medicamētum lapis, ut qui ex humida ſubſtantia, non terreſtri, quemadmodum cadmia, originem habuerit: indicat enim ipſius naturam talem, quod ſuper cotem medicinalē in ſuccum reſoluitur, cum liquore quodam tritus, & per ſe citra liquorem ſi cōteratur, non in terreſtria fragmenta cōminuitur, ut cadmia, ſed in corpus ſimilare, et ſui continuum. Reſpondet ei & lapis qui ſchiſtus dicitur, facultate ualidior. Stimmi autē quod dicitur aplyton, hoc eſt, illotum, ualidam refert uim aſtrictoriam: elotum uero diſſoluitur, ut ſerè ad naturam accedat medicamenti roſionis expertis. Validioris potentia abſterforiæ eſt æs crematū, ipſius ſquama & flos. Non minus efficax, ſed minus mordax eſt chalcitis cōbuſta. Si uero etiam hæc lauentur, abſterforia quidem adhuc permanent, uerum tanto imbecilliora functionibus, quanto etiam minus rodentia euadunt. Huius generis eſt & miſy, & ærugo, medicamenta ualidiſſima, ſi ijs quæ ad ſycoſin & callum conueniunt, miſceantur. Nonnulli ipſis adiecerunt etiam gallam, medicamentum uehementer adſtringens: ſicut nonnulli omnium horum ualidiſſimum & aſtrictione & acrimonia, quod neutro genere chalcanthū dicitur, uel, ut quidam uolunt, maſculino aut fœminino chalcanthos. Notū uero eſt omnibus, & uſtum et lotum multo reddi moderatius. Huius materiae eſt et ſtomomatis ſquama. At thuris cortex aſtringit quidem et ipſe non ignauiter, uerum multo prædictis omnibus inferior eſt. Quinetiā miſy dictum, cum ad eaſdem diſpoſitiones, tum etiam ad ſcabiolas palpebras, quidam collyrijs miſcuerūt. Quia uero & thuris mannæ aliqui meminerūt, uideturq; nonnullis nihil à thure læuigato differre, ſciendum uenit, quod proprie mannam uocant, micas thuris ex magnis faſciculis concuſſu elifas. Nam fragmēta quædam exigua corticis thuris ei inhereſcunt, ut eiufmodi medicamentum à thure differat, eo quod exiguū quiddam aſtrictionis aſſumpſerit. Quæ igitur adſtringentia admodum terreſtria ſubſtantia ſunt, aſpredines, ſycoſes & callos elidunt; quæ uero ſuccorum genere comprehenduntur, ueluti omphacium & hypociftis, eluuntur facile inter ungendū, eo quod effluant cum lachrymis. Huius notæ eſt & glauciū
 h

Manna thuris
 quid.

& acacia. Porro cerui cornu combustum, sicut & caprillum, citra rosionem abstergit. Caterum dictum à me est, & thus ex hoc genere esse: uerum id, sicut comprehensum est, minime uirtutis astrictoriae particeps est, ad leniendū dolorem & coquendum idoneum. Cornua praedictorum animalium absterforia quidem sunt, nullam uero uel dolorem leniendi, uel concoquendi uim obtinent, frigidis siccisque temperaturis praedita. Iam & armenium dictum, ueluti & quod indicum nominatur, atramentū, absterforium quiddam habet, atque eapropter ulceribus quae inflammatione carent, citra molestiam adhaerescit. Aloë mixte est facultatis, ueluti & rosa: habet etenim quiddam etiam amarum, abstergere idoneum: habet et astrictorium quiddam, ut contrahere ulcera, & cicatrice obducere possit.

Quae ad scabiosas dispositiones conueniant.

Inter medicamina, quae ad scabiosas palpebrarum dispositiones congruunt, sales habentur ammoniaci, & lapis alius, tum ipse, tum ipsius flos, & quod psoricum uocatur, non simplex, neque sua sponte proueniens, sed confectione quandam habens, quam Dioscorides quoque conscripsit, alijque prope omnes, qui de materia medicinali tradiderunt. Admiscetur his misy combustum, sandaracha, & quod à uetustis Graecis arrhenicon, ab huius aetatis hominibus arsenicum, hoc est, auripigmentū dicitur. Ex aromaticis medicaminibus casiam, malabathri folium, amomum & cinamomum, nonnulli ocularijs facultatibus iniecerunt: digerente quidem ui constans cinamomum, alia uero etiam astrictione participant. At communiter de omnibus absterforijs medicamentis sciendum est, quae mediocria sunt, & quae sycoses & callos exterunt, haec omnia etiam ad crassas cicatrices conuenire: quippe crassitiem ipsarum extenuant, & substantiae superficiem abstergunt.

Quae scirrho induratis auxiliuntur.

Facultates quae ad tunicas scirrho induratas conueniunt, ut prius etiam expositum est, & ex liquoribus, & gutta ammoniaci componuntur: ita ut ipsis miscantur etiam moderatiora quaedam, non autem uirtuti renitentia, scilicet, myrrha, thus, galbanum, atque id genus alia.

Quae ad suffusos congruunt.

Ad suffusos nonnullae à medicis facultates ex liquidis medicamentis compositae sunt: prima ferè omnium, quae foeniculi succo, hyaene felle, & melle attico constant: alij etiam caprillo felle conficiunt: post haec alius aliud fel miscuit, hic galli, ille uiperæ, quidam marinae testudinis, quidam piscis callionymi: nunc autem celebre est medicamentum, quod scari felle praeparatur, quemadmodum & quod ex myrrha stillatitia. Haec igitur omnia magna quidem promittunt: opus autem eorum interim quidem nullum, interim ualde exiguum apparet.

De medicamentis siccis ad oculos utilibus.

Ex superiori materia medici arida composuerunt remedia, quae ab ipsis peculiariter xerocollyria appellatur. Quaedam sanè callos, sycoses, encanthidas, & ungues abolent: quaedam scabiosis palpebris conueniunt, & milphos, hoc est, palpebrarum defluuia adiuuant, ab acris collyrijs diuersam uim obtinentia: quocirca etiam à nonnullis medicis uocantur, quod lachrymas repellant, apodacrytica, & repercutiētia, sicut & ipsa collyria. At horum ipsorum plurima etiam hebetudine uisus laborantibus senij uitio, aut humorum oculi crassitie, aut frigiditatis, aut etiam caliginosi spiritus superflui, non mediocriter opitulantur. Nonnulla uero ex siccis medicamentis affectum in ipsis radices agere prohibent, dum humorū scilicet abigunt influxus, ex quibus oculi male solent affici. Praestantissimum autem eorum apparuit experientia probatū, quod ego composui, & praeterea apud multos in usu est, in omnibus ferè nationibus quibus Romani imperant: ac primum ipsius confectionem tradam, melius esse existimās neutiquam affectibus corripi, quam

quàm generatis probè mederi. Quia uero Asclepiades plurimam, optimamq; siccorum & humidorum, collyriorumq; materiam conscripsit, auspiciatus primum à siccis, mihi quoque uisum est ita facere, simili scripturæ ordine uso, ut postquam meum siccum ascripsero, deinde omnia ab Asclepiade in primo libro exteriorũ, quem Marcellas inscribit, enarrata enumerabo. Ac post hæc quum Asclepiades cataplasmata oculis idonea, agglutinamenta, & quædam quæ illini possunt medicamina cõmemorauerit, satius esse mihi uidetur illorum quoque scripturæ ordine seruato, ita ad collyriorum liquidorumq; medicaminũ seriem peruenire, omnia apponendo, ut Asclepiades interpretatus est, ipsiusmet uerbis.

Medicamentum à me ad oculorum sanitatem compositum, siccum.

10 Vtilissimum sanis oculis, quò ab iniurijs uindicentur, ego composui medicamentum, quod iam omnes Romæ habent. Vritur enim lapis phrygius in minuta contractus, ut maior sit nuce auellana, quam Græci caryon ponticam, alij leptocaryon appellant, hoc pacto quo etiam alia comburo. In ollam recentem iniicio, deinde extrinsecus lutum circũlino, imponoq; operculum perforatũ, uel in solo uertice, uel, quod melius est, etiam in alijs partibus pluribus, ut fuliginosi fumosiq; eorum quæ uruntur effluxus facile per ea efferant. Vbi iam lapis totus ignitus euaserit, tunc oportet ex olla in uas quoddam purum traducto, butyrum superfundere non uetus, agitando lapidis combusti particulas: idq; faciendum est, usq; dum omnia restinguantur, atq; tunc cessandum: ac sic rursus in ollam conijcentes ipsas ure, iterum carbonibus perustis imposita, ut nihil humidum habeant. Euentilare autem hos oportet, quo citius combustio absoluat: simulatq; lapides euaserint igniti, & non amplius ulla fuligo emergit, effundentes rursus ipsos restinguere oportet uino falerno, aut quodã rubido odoroq; quale Tmolites, Ariusium, Lesbiumq; deinde rursus in ollulam conijcentes tertio urere: ac ubi ignitus lapis euaserit, iterum melle attico non copioso restinguere: fiet enim non aridum medicamentum, sed uiscosi cuiusdam particeps. Sint autem pluribus antè diebus ad amussim læuigata, quæ inferius scribam, ut in pollinem redigantur. Aeris combusti uncia una, quod est drachmæ octo, piperis albi tantundem, folij malabathri tantũdem, stimeos sesquialterum, quod est drachmæ duodecim: his lapidis cremati librã unam misceto, ac ubi omnia pulchre læuigata fuerint, & medicamentum excepturus sis, syriaci opobalsami sesquiunciam adiungito, quod est ipsorum totum drachmæ duodecim. Sit opobalsamum tenue & perspicuum substantia, nõ crassum, quemadmodum consueuit in uasis ad fundum effici: prohibebit enim quod sic crassum est, siccum fieri medicamentum. Cæterum utendum eo est palpebris solis inducendo scalpillum, ita ut ipsæ tunice oculi non attingantur. Magna igitur ex parte sufficit solis inferioribus palpebris specillum inducere: nihil autem uetat etiam superiores similiter oblinere, cum maior usus medicamenti fuerit, hoc est, cum iam oculus manifestò perturbationem quandam experitur. Non tamen differendum est hoc facere, uerum simulatque affectum perceperit, quolibet diei tempore utendum, etiam si iam biberit aliquis & cibum assumpserit: ac sæpe utendum est medicamento, cura adhibita, ut sæpe dixi, ne tunice attingantur. Cæterum qui sublinitur, eum apertas præbere palpebras oportet, ac ubi subunctus fuerit, non conuere iplis. Hoc sane ego composui medicamentum, non permittens lippitudinẽ oboriri, si recte eo utaris: deinceps enumerabo, quæ ad dispositiones conueniant, ab ijs quæ Asclepiades tradidit exorsus.

Gleba pumico a sa, quam Plinius utilem medicina negauit.

Quæ Asclepiades tradidit sicca ad oculos.

In primo exteriorum, quæ Marcellas inscribit, ad uerbum hæc habentur. Sic cum ex Heraclidis psoricis, ad erosos angulos. Spodij cyprij drachmæ quatuor, omphacij sicci drachmæ duæ, nardĩ oboli tres, piperis fricti grana quindecim: "

» lauibus utitor. Pforicum Aeli. Cadmiæ drachmæ quatuor, æris usti drachmæ
 » duæ: terito ex aceto in sole, siccata dissoluta; excipiens utitor. *Aliud.* Cadmiæ,
 » æris usti, nardi indici, singulorum drachma una, piperis fricti oboli duo: læui-
 » bus utitor, ut efficaci medicamento. *Aliud.* Chalcitidis partes duæ, cadmiæ
 » pars una, contusa cribrata; terito in sole, uini adijciens quod sufficit: deinde siccata,
 » ta, dissoluta; excipiens utitor. Ex scriptis Philoxeni siccum Acharion. Cadmiæ
 » drachmæ duæ, chalcitidis drachmæ octo, aloës oboli duo, æruginis totidem, piperis
 » grana decem, rosarum floris drachma una: lauibus utitor.

Eiusdem ad aridam lippitudinem, sicum, putredinem, & carnis excresecntiam.

» Cadmiæ drachmæ decem, chalcitidis drachmæ octo, piperis grana quindecim,
 » nardi gallici drachma una: cadmiam & chalcitidem ex uino terito, & cum siccata
 » fuerint, nardum & piper adijcito, ac in pollinem redactis utitor. *Aliud.* Cadmiæ
 » drachmæ uiginti, chalcitidis drachmæ quadraginta, nardi indici drachmæ duæ, myr-
 » rhæ torrefactæ tantundem, piperis grana xxxv. præparantur ex aceto aceri imo.

Capitonis ad aridam lippitudinem, humentes oculos, erosos angulos, & palpebras etiam sico obnoxias.

» Cadmiam cypriam comminuimus, ut farine habeat magnitudinem, deinde at
 » tico melle conspersam in uas fictile conijcimus: huius ore obstricto, & argilla cir-
 » cunlito, foramen per oris medium facimus, ut quod torretur, perspiratum ha-
 » beat: ipsum autem uas rectum inter carbones collocatum suburimus: ubi ignitū
 » euaserit, animum aduertimus uaporibus qui per foramen efferuntur, & si nigri-
 » res erumpant, adhuc urimus: ubi autem albiores, satis tostum esse arbitrati, uas tol-
 » limus, & tegmine ablato cadmiā uino Italico extinguimus, in pilam; demissam
 » terimus, siccata; ad medicamenti confectionem reponimus. Habet autem hoc
 » modo: Cadmiæ, æris usti, stimmi, singulorum drachmæ octo: contritis exceptis;
 » utitor, nucleo specilli palpebras inuertens manè & uesperī. *Aliud.* Cadmiæ ustæ,
 » ut prædictum est, drachmæ octo, æris cremati totidem, stimmi drach. quatuor,
 » armenij drachmæ duæ, tritis exceptis; utitor: nos cadmiam & reliqua adipe uipe-
 » rino conspersa torrefecimus, deinde uino restinctis læuigatis; usi sumus.

Medicamentum ex lapide hæmatite Capitonis ocularij, ad palpebras scabiosas accommodatum.

» Cadmiæ cypriæ drachmæ uigintiquatuor, lapidis hæmatitis drachmæ sex (in
 » alio legitur sedecim) æris cremati drachmæ uigintiquatuor: arida contunduntur,
 » ut farine habeant magnitudinem, & melle consperguntur, torrentur; ut prædi-
 » ctum est, & uino restinguuntur, siccata læuigantur: usus indicatus est. *Aliud.* Ca-
 » dmiæ drachmæ uiginti, æris usti drachmæ decem, lapidis hæmatitis totidem, flo-
 » corum purpuræ laconicæ drachmæ octo: melle conspersa ustæque in prædictum
 » dum composito.

Sofandri ad palpebræ pilorum defluuiæ, & dispositiones inueteratas: facit etiam ad encanthidas.

» Cadmiæ, stimmi, chalcitidis crudæ, misyos xenici, singulorū drachmæ octo:
 » contusa & melle conspersa torrentur, ut indicatum est: deinde uino macerata læui-
 » gata; & siccata in usum conduntur. *Aliud.* Chalcitidis crudæ, cadmiæ, stimmi,
 » misyos xenici, singulorum drachmæ octo, nardi indici drachmæ duæ, croci torrefacti
 » tantundem, piperis drachma una: metallica melle consperguntur, uruntur;
 » modo prædicto, deinde uino extinguntur, læuigantur; his superinijcitur nardi
 » num crocinum; & torrefactum piper, deinde unā læuigatis exceptis; utemur.

Medicamentum quod pulchras palpebras efficiat, calliblepharon à Græcis dicitur:

facit etiam ad inueteratas lippitudines.

» Stimmi usti & uino restincti drachmæ sedecim, plumbi cremati loti; dra-
 » chmæ octo, fuliginis thuris, spice nardi, myrrhæ torrefactæ, croci, squamæ æris, sin-
 » gulorum

gulorum drachma una : omnibus læuigatis exceptisq; utitor. Aliud diacrocū, id est, ex croco. Croci, glaucij, sarcocollæ, singulorum unciam unam : ego etiam opij unciam adijciebam. Aliud Seuerianum. Cadmiæ usitæ lotæq; drachmę duæ, salis ammoniaci, piperis albi, singulorum uncia duæ, folij drachmę duæ: læuigatis diligenter utitor. Aliud admodum utile infantibus. Stimmios drachmę sedecim, plumbi drachmæ octo, squamæ, croci, rosarū floris, myrrhæ, nardi indicæ, thuris masculi, piperis albi, singulorum drachma una, palmularum ossa decem: omnia in uas fictile coniecta, studiose torreto, deinde in pilam transfusis tritisq; opobalsami cochlearia duo adijciuntur, deinde iterum contulis siccatisq; utitor.

10 *Siccum Philoxeni, ad pruriginosos oculorum angulos, erososq; facit etiam ad lippitudinem.*

Cadmię drachmæ quatuor, salis ammoniaci drachmę duæ, piperis albi drachma una: læuibus utitor: hæc ita præparans. * Cadmiæ drachmę octo, croci drachmę duæ, piperis albi drachma una, salis ammoniaci drachmę duæ, nardi indicę drachma una.

* Aliud uideatur deesse.

Hygra, hoc est liquida, ocularia ad ficosas excrescentias, omnisq; carnis excessum: facit etiam ad angulorum fistulas, quæ dicuntur encanthides: item ad lippitudines incipientes, quo usus est Philippus in Cæsaria.

Misyos tostī drachmę octo, myrrhę drachmę quatuor, cadmiæ drachmę octo, croci drachmę duæ, salis ammoniaci drachmę duæ, nardi indicę, piperis albi, singulorum drachma una, mellis attici cyathus unus. Aliud. Misyos tostī drach. sex, chalcæthi drach. iij. myrrhæ totidē, æris usiti drach. una, mellis attici cyathi decem.

Panchryfos, hoc est, omnino aurea, Erasistrati, ad aspretudinem omnemq; lippitudinem, aures purulentas, ulcera, quæ egrè ad cicatricem ueniunt, & oris nomas.

Aeris usiti drachmę duæ, myrrhæ drachma una, piperis oboli duo, misyos tostī drachma una, croci oboli tres, uini chij hemina una, passī cretici heminę dimidiū, sicca teruntur uino adiecto: & ubi cōbiberint, passum additur, rursusq; tusa in uas æreum transfunduntur, coquanturq; igne lento, deinde ærea pyxide reponuntur.

Ad callos & omne tuberculum.

Aeris usiti drachmę duæ, misyos cōbusti drachma una, myrrhæ drachma una, croci drachma una, omphacij drachma una, uini chij cyathi duo, mellis Attici se- libra: utitor.

Philoxeni Hygra, ab acuendo usu oxyderice dicitur, cicatrices & callos extertit.

Guttę ammoniaci drachmæ quatuor, æruginis drachmę duæ: uino soluta contritaq; melle Attico excipito. Aliud. Guttę ammoniaci drachmę duodecim, æruginis drachmę sex, myrrhæ drachmę duæ: composito ut prædictum est. Aliud. Phædri Rhinion. Ammoniaci thymiamatis drach. quatuor, æruginis drachma una, alcyonij torrefacti drachma una, lapidis asij floris oboli tres: cōposito ac utitor in modum prædictum. Aliud. Ammoniaci thymiamatis drachmę octo, æruginis tantundē, lapidis asij floris drachmę duæ, alcyonij drachma una, oboli duo, opij sesquidrachma, myrrhæ tantundem: composito & utitor modo prædicto.

Aegyptij, ad callos & albugines, aufert etiam cutem protinus.

40 Aeruginis corinthiæ drachmæ sex, ammoniaci thymiamatis drach. sex, oboli quatuor, salis fossitij drachmæ quatuor, cucurbitæ syluestris medullæ drachmæ quatuor, taurini fellis drachmæ duæ, nitri nigri sesquidrachma, piperis albi grana quadraginta, mellis Attici cyathi sex: composito ut expositum est, & excipiens pyxide buxea utitor. Alia Aegyptia, ad callos, albugines, & inueterata uitia. Aeruginis drachmæ sex, guttę ammoniaci drachmæ sex, cucurbitæ syluestris medullæ drachmæ tres, fellis taurini drachmę duæ, nitri partes duæ: melle Attico excipito, & utitor.

Ad uisus acumen, Antonij Muse: ualet etiam ad glaucomata.

Perdicis syluestris fellis pars una (in alio habetur, perdicij herbæ succi: nonnulli

» centaureæ succi partes tres ponunt) mellis atticæ æquales partes. *Aliud.* Galli uete-
 » ris fellis pars una, centaureæ succi tantundem, mellis atticæ partes tres : faciunt ad
 » glaucomata.

Ad acuendum uisum, Lægi.

» Fœniculi radicis succi pars una, mellis tantundem: excipito pyxide ærea, & utitor.
 » *Aliud.* Fœniculi succi pars una, chelidoniæ succi tantundem, mellis atticæ tantundem,

Aelij Galli ad suffusiones.

» Testudinis marinæ fellis drachmæ octo, mellis atticæ tantundem, taurini fellis
 » drachmæ duæ, croci drachmæ duæ, opobalsami drachmæ duæ: contufis utitor.

Cassij ad suffusiones.

» Fel taurinum in pyxidem æream transfusum diebus decem finito, deinde exci-
 » piens drachmas duas myrrhæ, croci duas, opopanacis duas, opobalsami duas, pi-
 » peris grana duodecim, mellis atticæ duplicatam portionem, felli omnia mixta co-
 » quito uase æreo, reponitoq; pyxide ærea, & utitor.

Hygra Basilis, hoc est, regia: hanc uocamus analepticon, id est, instauratoriæ.

» Omphacij, myrrhæ, aquilini fellis, opobalsami, oleæ lachrymæ, singulorū dra-
 » chmæ duæ, guttæ ammoniaci drach. una, fellis hyænæ drach. ij. melle excipiuntur.

Antonij Muse.

» Fellis hyænæ drachma una, fellis urli drachmæ duodecim, opobalsami drach.
 » duæ, falis fossitij drachma una, croci drachma una, myrrhæ tantundem, mellis atti-
 » ci cyathi duo, fœniculi succi cyathi duo.

Aliud Philoxeni.

» Fellis hyænæ sesquidrachma, adipis uiperini sesquidrachma, croci drach. una,
 » omphacij drachma una, myrrhæ semidrachma, opobalsami drachma una, mellis
 » atticæ drachmæ octo.

Quomodo tingantur albugines.

» Gallam læuem sepositam habeto : cum usus exigit, nucleo specilli calefacto at-
 » tingens, deinde chalcantho aqua soluto attingito. *Aliud.* Malicorio læui attinge,
 » deinde chalcātho aqua soluto. *Aliud.* Misfios, chalcanthi, gallarum immaturarū,
 » uniuscuiusq; partem æqualem contusam cribratamq; reponito : cum usus poscit,
 » sicco attingito. *Aliud.* Aluminis scissi, malicorij, mellis, acaciæ fructus, singulorū
 » paria pondera; contufis oculos attingito.

Ad glaucos oculos, ut pupillas habeant nigras.

» Malicorij dulcis succum infundito, deinde per interualla instillato. *Aliud.* Al-
 » terci florem cum uino terito. *Aliud.* Alterci succū apponito. Oportet autem hæc
 » conuenienti tempore colligere, & reponere. *Aliud.* Acaciæ fructum, & gallæ mo-
 » mentum tritum, diligenter succo anemonæ excipito, ut mellis habeat spissitudinē;
 » deinde expressum per panniculum diligenter, ut liquidū reponito, ac utitor quem
 » admodum prædixi.

Ad palpebrarum pilos oculum irritantes, trichiasin appellant, Antonij Muse.

» Motacillæ auis fel, & aconiti dimidiū, mixta reponito: cum usus est, pilis euul-
 » sis locum medicamentis illinito. *Aliud.* Piscis phagri fel, & aconiti dimidiam par-
 » tem in squama ferri eloti, adipe mergito, atque his amygdalini olei momentum
 » adijcito, et nycticoracis sanguinis quantum sufficit; deinde mixtis exceptisq; ut ex
 » posui, utitor.

Pilorum glutinantia medicamenta Heraclidis Tarentini.

» Cera, picis, lithocollæ, singulorū drachma una, simul liquefacta reponito: cum
 » usus poscit, specilli mucronē ignitū attingito medicamine, & id quod dissoluitur
 » capiēs pilos agglutinato. *Aliud.* Resinæ siccæ drachma una, picis aridæ drach. una,
 » sulphuris uiui drach. una, bituminis drach. una, ceræ drach. duæ, liquefactis utitor.

Ad tuber-

Ad tuberculum palpebrarum, quod ab ordeo crithe dicitur, quod etiam posthiam appellant, Antonij Muse.

Galbani pars una, nitri exigui; mixta imponito. Item misyos crudi exigui, mixtum imponito. Bene faciunt etiam fici sicca mulso incocta leuigata; cum galbani momento. Valet et farina ordeacea in mulso cocta, trita; cum galbani lauis exiguo.

Dionysij Milesij ad trichiasin.

Leporis marini cremati in olla recenti cinere tritum, musca caninae sanguine excipito, ac pyxide cornea repositis utitor, pilis prius euullis. Aliud. Salamandra uste cinerem erinaceorum terrestrium felle excipito, ac utitor in modum superius comprehensum: nonnulli uero usi sunt castoreo melli mixto; aut castoreo & hirudininis uste cinere; aut cicuta femine trito, & sanguine musca excepto, pilis prius euullis illeuerunt.

Ad crithas & chalazia.

Sagapeno cum aceto trito utitor. Aliud ad egilopas. Elecebrae succi, solani succi, singulorum selibra, thuris drachme octo, mastiches unciae tres, galbani selibra; succi cum thure coquuntur, & cum dissoluta fuerint, galbanum aspergito: nam mastichen abijcimus. Aliud. Thuris drachma octo, ladani drachme quatuor, aluminis scissi drachma quatuor, myrrhae drachma octo, cerae drach. quatuor, aphronitri drachma quatuor, picis corticis drachma quatuor; medicamentum contunditur, & irini unguenti fece emollitur.

Quae ad oculos eodem libro primo exteriorum Aesclepiades scripserit cataplasmata, glutinamenta, & illitus.

Cataplasmata lippientium ad uehementes dolores, & maximos humorum curfus, quos epiphoras dicunt; usus est his Heraclides Tarentinus. Rosarum uiridiu, aut siccarum drachma quatuor, croci drachma una, opij drachma una; excipiuntur meliloti decocto in passo. Aliud. Rosarum albarum, meliloti, capitem papaueris, singulorum drachmae duae, croci, opij, myrrhae, singulae drachmae; oui tosti luteo trito passo; excepto utitor ut ostensum est.

Illitus ad uehementes dolores, quibus usus est Glaucus.

Aloes, lycij indici, rosarum uiridium, croci, opij, myrrhae, singulorum pares modos; uino conspergens pastillos fingito, siccato; in umbra; cum usus exigit, passo dissolutis oculos illinito, frontem & tempora.

Philoxeni ad fluxionem coptosam, & dolores uehementes.

Rosarum tenerarum foliorum drachme duae, alterci seminis drach. octo, thuris drachme tres, myrrhae drach. quatuor, farinae polente acetabulum, oui tosti unius luteum, mandragorae succi drachma quatuor, croci drachme duae, opij drachma quatuor, uini austeri quantum sufficit; formato ac utitor in modum praedictum.

Anthera quae illini possit.

Croci drachma quatuor, thuris drachmae duae, cinnabaris drachma quatuor, gummi drachmae duae, uino excipiuntur; cum usus exigit, tritis & solidis effectis momentum mellis adijcito.

Aliud, quod Lychmium inscribitur.

Croci drachma una, thuris, opij, gummi, cinnabaris, singulorum drachme duae; aqua pluuiali excipiuntur. In alijs habetur, croci rosam spirantis drachma quatuor, cinnabaris drachmae duae, myrrhae, opij, singulorum drachme duae; aqua pluuiali excipiuntur.

Quae illinuntur mordacia, protinus fluxionem sistunt, necnon ad scabiosam lippitudinem ualent.

Aeris usti drachma quatuor, croci tantundem, piperis albi drachmae duae, opij totidem, gummi drach. quatuor. Aqua pluuiali extrinsecus illitum, maximas humoris eruptiones reprimit. Cauendum autem est, ne medicamentum incidat.

Aliud, quod Phloginon appellatur.

- » Aeris usti lotiq; drachmæ duodecim, croci drachmæ sex, piperis albi drachmæ
» quatuor, myrrhæ drachmæ tres, opij drachmæ tres, gummi drachmæ duodecim;
» uino aminæo excipiuntur.

Agglutinamenta, quæ fluxiones cohibent.

- » Pollinis farinæ, myrrhæ, manna thuris, singulorum pars una: excipiuntur oui
» albumine: deinde illita in linteolum temporibus & fronti imponuntur. *Aliud,*
» Alterci seminis drachmæ duæ, opij drachma una, croci tantundem, pollinis farinæ
» drachmæ quatuor, ouorū tostorum lutea duo, castorei drachma una: omnia mace
» rata excipito & utitor.

*Ad defluxionis impetum, quæ epiphora dicitur, uehementemq; dolorem,
& largum fluorem, quo usus est celebris Moschio.*

- » Glaucij drachmæ sedecim, sarcocollæ drachmæ octo, croci drachmæ quatuor,
» gummi drachmæ duæ, tragacanthi drachmæ duæ, mandragoræ succi drachmæ
» duæ, opij drachma una: aqua pluuiali excipito & utitor ex ouo.

Heronis ocularij Psytaces, ad uehementem dolorem, largam fluxionem: statim somnum conciliat.

- » Glaucij drachmæ sedecim, croci drachmæ octo, sarcocollæ drachmæ octo, opij
» drachmæ quatuor, mandragoræ succi drachmæ duæ, tragacanthi drachmæ octo:
» aqua pluuiali excipiuntur.

Ad commemoratas dispositiones, Neapolitæ.

- » Glaucij drachmæ quadraginta octo, sarcocollæ drachmæ uiginti quatuor, cro-
» ci tantundem, lapidis hæmatitis drachmæ duodecim, opij drachmæ nouendecim,
» mandragoræ succi drachmæ octo, gummi drachmæ sedecim, tragacanthi drachmæ
» duodecim: aqua pluuiali superfunditur.

Sergij ocularij Babylonij.

- » Glaucij drachmæ uiginti quatuor, sarcocollæ drachmæ sedecim, croci drachmæ
» duodecim, opij drachmæ quatuor, lapidis hæmatitis drachmæ sex, gummi drach.
» duodecim: aqua pluuialis additur: illinito usq; ad unum alterumue diem: quod si
» dispositio non soluat, ad subsequentes illitus descendimus.

Aliud diasmyrnon, Claudiacum inscriptum.

- » Glaucij, sarcocollæ, singulorum drachmæ quadraginta octo, croci drachmæ ui-
» ginti quatuor, opij, myrrhæ, lapidis hæmatitis, singulorum drachmæ sex, tragacan-
» thi drachmæ quadraginta octo: aqua pluuiali excipiuntur: usus est ex ouo.

Diasmyrnon ex hæmatite.

- » Glaucij drachmæ sexaginta quatuor, sarcocollæ drach. triginta duæ, croci dra-
» chmæ duodecim, opij drachmæ octo, myrrhæ drachmæ sex, hæmatitis drachmæ
» sedecim, tragacanthi drachmæ quadraginta octo, gummi drachmæ sedecim (in alio
» gummi drachmæ quadraginta octo) aqua pluuiali subiguntur: usus est ex ouo.

*Phosphoros, hoc est, lucifer, ad magnum dolorem, omnemq; inflammationem,
& intensum defluxionis impetum.*

- » Glaucij drachmæ uiginti quatuor, sarcocollæ drach. octo, croci, opij, myrrhæ,
» misyos usti, singulorum drachmæ octo, gummi drachmæ nouendecim: aqua plu-
» uiali subiguntur: usus est ex ouo.

Euchroon, hoc est, boni coloris, uehementer etiam in operibus admirabile.

- » Glaucij drachmæ uiginti, sarcocollæ, croci, myrrhæ, opij, misyos usti, singulorū
» drach. septem, gummi drach. duodecim: aqua pluuiali excipiuntur: usus est ex ouo.

Florem austrens diachylon, id est, ex succis, ad omnem grauem dolorem: somnū protinus conciliat.

- » Glaucij drachmæ quadraginta octo, sarcocollæ, tragacanthi, singulorum dra-
» chmæ sedecim, croci drachmæ octo, opij drachmæ quatuor, rosarum succi, lycij
» indici, alterci, singulorum drachmæ quatuor, mandragoræ succi tantundem, gum-
mi dra-

mi drachmę octo: excipiuntur meliloti decocto: componuntur autem in hunc modum. Excepta meliloti libra, & aquę pluuialis heminis duodecim, coquuntur ad tertias: dissoluto liquore, ad medicamenti confectiōnem uteris. *Aliud.* Glaucrij drachmę quadraginta octo, sarcocolle drachmę uiginti quatuor, croci tantūdem, opij, lycij indici, alterci succi, cicutę succi, singulorum drachmę duodecim, rosarū uiridium sine unguibus drachmę quadraginta octo, gummi totidem: excipito aqua pluuiali: usus est ex ouo.

Medicamentum quod Phæon inscribitur, ad magnos oculorum dolores accommodatum.

Cadmie drachmę duodecim uel sedecim, æris usti drachmę sex, myrrhę drachmę tres, opij tantūdem, acacię drachmę septem: aqua pluuiali consperguntur, ut ostensum est.

Aliud Phæon ad omnem fluxionem omnemq; lippitudinem. In alio Pædicon.

Æris usti drachmę duodecim, cadmie drachmę triginta duę, gummi drachmę triginta duę, acacię tantūdem, myrrhę drachmę quatuor, opij totidem: aqua pluuiali subiguntur.

Aliud ex scriptis Philoxeni.

Spodij cyprij drachmę duodecim, æris usti drachmę tres, opij, myrrhę, singulorum drachmę tres, acacię, gummi, singulorum drachmę septem: aqua pluuialis additur: usus ex ouo est, ut indicaui.

Berycion inscriptum, quo usus est Berycius, ad maximos defluxionis impetus: iuuat statim.

Æris usti elotiq; acacię, cineris pompholygis, opij, gummi, singulorum drachmę sedecim, croci drachmę duodecim, myrrhę drachmę duę: aqua pluuialis affunditur: usus est ex ouo; uerum continuē infundere oportet.

Aliud ad eosdem affectus.

Cineris pompholygis drachmę sedecim, opij drachmę duodecim, myrrhę drachmę duodecim, gummi drachmę sedecim, æris usti & eloti tantūdem: aqua pluuiali excipiuntur: usus est ut indicaui.

Achariston inscriptum ad maximos influxionis impetus. Hoc solo in Aegypto medici utentes bene degunt, præsertim in agrestioribus.

Cadmie drachmę sedecim, acacię drachmę octo, æris combusti elotiq; tantūdem, opij drachmę quatuor, ericę seminis drachmę quatuor, myrrhę drachmę quatuor, gummi drachmę sedecim, aqua excipiuntur: usus est ex lacte muliebri, temperatura media: ubi autem circa oculos dispositio affligit, collyrio abstinentum est. Quo ego ipse usus sum, id in hunc modum habet. Cadmie drachmę sedecim, ericę fructus drachmę duę, æris combusti drachmę quatuor, opij drachmę duę, myrrhę drachma una, acacię drachmę sex, gummi drachmę octo: aqua excipiuntur, usus indicatus est. *Aliud.* Cadmie drachmę sex, ericę seminis drachmę quatuor, opij drachmę sex, æris combusti & eloti drachmę quatuor, gummi drachmę uiginti: præparato & utitor ut prædictum est.

Nectarum Marci, facit ad lippitudines incipientes, ualet etiam ad impetus fluoris tenuis, chemosin, cedemata, membranarum excrescentias: confert ad omnem serē lippitudinem, & palpebras crassas.

Oportet autem ante omnia fouere, deinde infundere: initio quidem fluxionis, ex oui aquato: procedente autē curatione, paulatim misturam intendere. Ad scabras palpebras, utimur ex aqua collyrio: apud alios uocatur sphragis. Æris combusti & eloti drachmę quatuor, cadmie drachmę quatuor, croci drachmę duę, opij totidem, gummi drachmę sex: aqua excipito, ac utitor ut ostensum est.

Sergij ocularij, quod uno die liberet affectum, monohemeron inscribitur.

Cadmie ustę & elotę, cineris pompholygis elotę, æris combusti elotiq; singulorum drachmę quatuor, croci drachmę duę, acacię drachmę sex, gummi tan

» tundem: aqua pluuiali excipiuntur: usus est ex ovo, mistura aquata. Post lachry-
 » mas expressas, infundere oportet oui albumen, & rursus sublinere. Si rosio obo-
 » riatur, fouere conuenit, & rursus infundere oui alborem: post hæc collyrio quod
 » nigrum inscribitur, oblinito.

Neapolitæ spheragis.

» Cadmiæ, aris combusti elotiç, acaciæ, singulorū drachmæ octo, spodij, cyprij,
 » croci, opij, singulorum drachmæ quatuor, gummi drachmæ duodecim: aqua exci-
 » pito: usus ostensus est.

Paxij spheragis.

» Cadmię combustæ & restinctæ lacte caprillo aut muliebri, lotæç & in umbra
 » siccata, aris combusti & eloti, acaciæ, singulorum drachmæ decem, opij drachmæ
 » sex, croci tantundem, gummi drachmæ quindecim: aqua pluuiali excipiuntur,
 » Zoili spheragis, respondet Paxij.

Philoti, Aphroditarium inscriptum.

» Cadmiæ elotę drachmæ uigintiquatuor, acacię drachmæ triginta sex, aris com-
 » busti & eloti drachmæ duodecim, croci drachmæ duodecim, opij drachmæ duo-
 » decim, spodij, cyprij eloti tantundem, gummi drachmæ quadraginta octo: excipi-
 » untur aqua pluuiali: utitor ex ovo, continuè infundens: post curationem uerola-
 » uari adhortator. Hoc frequenter usus sum in maximis epiphoris.

*Aliud Neapolitæ, facit etiam ad maximos fluxionis impetus, & præsertim in ijs qui egrè
 exiccari possunt, & per inflammationes subalidos angulos habent,
 ut affectus similis chemosi appareat. Hoc nos usi sumus
 post illitus, lauari adhortantes.*

» Lapidis schisti drachmæ octo, thuris drachmæ septem, aris usti & eloti drach-
 » octo, opij tantundem, myrrhæ drachmæ quatuor, gummi drachmæ octo: uino ex-
 » cipiuntur: usus ex ovo: temperatura est aquata: sæpe autē ubi infuderis, etiam per
 » interualla ab illitu lauari adhortare.

*Phæon Olympianici inscriptum, ualet ad maximos dolores, item ad chemosim, &
 summatim optimum est collyrium, statim enim liberat.*

» Cadmiæ combustę & elotæ, acaciæ, stimmi usti lotiç, aloës indicæ, singulorū
 » drachmæ octo, myrrhæ drachmæ quatuor, opij tantundem, gummi drach. octo:
 » aqua excipito: usus est ex ovo: mistura crassior: ego autem adieci pompholygis et
 » thuris utriusque drachmas quatuor.

*Aliud Sozomyi, quod δὲ ὠδὲς à grato odore inscribitur: ualet ad uehementes dolores,
 & recentes dispositiones.*

» Cadmiæ combustę lotæç uino Italico, hoc est, extinctæ, aloës, stimmi, singulo-
 » rum drachmæ octo, aris combusti lotiç drachmæ octo, aut duæ, croci drach. duæ,
 » myrrhæ drachma una, nardi indici drachma una, opij drachma una, acaciæ dra-
 » chmæ nouendecim, gummi drachmæ duodecim: aqua pluuiali excipiuntur.

*Hermij ocularij lotium, ad maximos dolores, αὐθιγέρον, hoc est, quod eodem die quo adhibetur, affectum
 soluit, præstantissimum: ualet etiam ad lippitudines inueteratas.*

» Aloës drachmæ octo, aris usti elotiç drachmæ sedecim, opij totidem, myrrhæ
 » drachmæ duodecim, croci drachmæ octo, cadmiæ drachmæ quatuor, thuris dra-
 » chmæ tres, gummi drachmæ sedecim: uino mendesio excipiuntur: usus ex ovo est,
 » temperatura aquosa. Oportet autem per interualla trium quatuor ue horarū in-
 » fundentes sinere, donec subsidat, & nonnunquam ut lauent, adhortari.

*Theodotium phlaccianum Harpocraton inscriptum, ad maximos defluxionis impetus
 & dolores: liberat citra sanguinis missionem.*

» Acaciæ succi drachmæ uigintiquatuor, cadmiæ drachmæ octo, aris usti lotiç
 » drachmæ octo, stimmi drachmæ sedecim, aloes drachmæ quatuor, croci dra-
 » chmæ

chmæ tres, myrrhæ tantundem, lycij indicij drachmæ duæ, opij tantundem, castorei drachma una, gummi drachmæ uigintiquatuor: aqua pluuiali subiguntur: usus est ex ouo: temperatura crassior. Collyrium autem in laxo tumore, œdemate, palpebris inducitur.

Scylation eodem die liberans, medicamentum probatum, protinus inflammationes discutit.

Stimmi drachmæ quadraginta, acaciæ tantundem, cadmiæ drachmæ sedecim, æris cõbusti lotiç drachmæ quatuordecim, cerussæ drachmæ quatuordecim, myrrhæ drach. quatuor, nardi indicij drachmæ quatuor, croci drachmæ duæ, lycij indicij drachmæ quatuor, castorei, aloës, opij, chalcitidis tostij, gummi, singulorum drachmæ duæ: excipiuntur rosarum decocto: usus est ex ouo: mistura crassior.

Neapolitæ phanion ad maximos defluxionis impetus, item ad dolores uehementes ualet, & ad dispositiones.

Cadmiæ elotæ drachmæ octo, acaciæ tantundem, æris combusti & eloti drachmæ sex, stimmi eloti drachmæ uiginti, cerussæ drachmæ sex, myrrhæ drachmæ duæ, aloës tantundem, nardi gallicij sesquidrachma, opij sesquidrachma, croci drachma, castorei drachmæ dimidium, gummi drachmæ uiginti: aqua pluuiali excipito, & utitor inungens.

Aliud phanion Sarapicon inscriptum.

Acaciæ drachmæ quadraginta, stimmi tantundem, cadmiæ drachmæ sedecim, æris usti elotiç drachmæ duodecim, aloës drachmæ tres, myrrhæ drachmæ quatuor, cerussæ drachmæ duodecim, opij drachmæ duæ, croci tantundem, nardi indicij sesquidrachma, gummi drachmæ quindecim: aqua pluuiali excipito: utitor illinendo.

Malabathrinum nostrum, ualet ad graues oculorum dolores, & dispositiones, cum declinant.

Cadmiæ drachmæ sedecim, acaciæ drachmæ quadraginta, æris combusti elotiç drachmæ quatuordecim, opij, lycij indicij, singulorum drachmæ duæ, myrrhæ drachmæ quatuor, malabathri, nardi indicij, castorei, aloës, singulorū drachmæ duæ, cerussæ drachmæ octo, stimmi eloti tantundem, gummi drachmæ quadraginta: aqua excipiuntur: usus est ex ouo per initia dispositionum: cum declinant, ex eo quod dicitur panchreston, quod inter mordentia collyria repositum est.

Aliud philadelphion, facit ad inflammationum declinationes, ulcera sordida, & pustularum eruptiones statim adiuuat.

Stimmi combusti elotiç drachmæ uiginti, plumbi cõbusti elotiç drachmæ decem, cadmiæ drachmæ octo, æris cremati & eloti drachmæ tres, aloës tantundem, lycij indicij drachmæ duæ semis, myrrhæ tantundem, nardi indicij drachmæ duæ, croci totidem, castorei drachma una, opij drachma una, gummi drachmæ octo: aqua additur, & ut excipiantur, oua decem.

Collyrium album, ad defluxionis impetus & dispositiones, inscribitur Trypherum.

Cadmiæ elotæ drachmæ sedecim, cerussæ drachmæ octo, amyli drach. quatuor, gummi drachmæ quatuor, tragacanthi drachmæ quatuor, opij drachmæ duæ: aqua pluuiali excipiuntur: usus est ex ouo.

Ex terra samia, therennon inscriptum, ad defluxionis impetus & dispositiones.

Cadmiæ elotæ, cerussæ, terræ samij, singulorum drachmæ duodecim, opij drachma una, gummi drachmæ quatuor: aqua excipito: usus est ex ouo.

Aliud anodynon, ad fluxionem quamlibet, ulcera, uehementes dolores, psydracas, prociencias, chemosin, uariasq; dispositiones.

Cerussæ drachmæ octo, terræ samij totidem, cineris pōpholygis drachmæ duodecim, tragacanthi drachmæ duæ, opij totidem, gummi drachmæ quatuor: aqua pluuiali excipiuntur: usus est ex ouo.

Aliud quod dyoclium inscribitur, ad uehementes dolores, & defluxionis impetus, purulentos oculos, pustulas, ulcera: hoc medicamentum est delicacius.

- » Tragacanthi drachmę octo, gummi drachmę quatuor, amyli tantundem, ci-
» neris pompholygis drachmę sedecim, cerussę drachmę octo, opij torrefacti dra-
» chmę duę: aqua pluuiali excipiuntur: usus est ex ouo.

Medicamentum dialibanum, hoc est, ex thure, accommodum fluxionibus & chemosi.

- » Cadmię drachma una, thuris drachma una, cerussę drachmę quadraginta, opij
» drachmę sex, gummi tantundem: aqua pluuiali excipiuntur. Nos autem sic præ-
» parauimus. Cadmię, pompholygis, thuris, singulorum drachmę decem, cerussę
» drachmę quadraginta, opij drachmę sex, gummi tantundem: aqua pluuiali exci-
» piuntur: usus est ex ouo.

Aliud, quod trypheron, hoc est, delicatum inscribitur, contra adustiones, pustulas, chemosin, & præsertim in ijs, qui nullam planè rosonem sustinere possunt.

- » Cadmię elotę, amyli, & thuris, singulorū drachmę octo, cerussę drachmę qua-
» draginta octo, opij drachmę sex, gummi drachmę sedecim: aqua pluuiali exci-
» untur: usus indicatus est.

Cygnus, basilisę inscriptus, ad maximos dolores & dispositiones.

- » Cadmię drachmę sedecim, cerussę elotę drachmę octo, amyli, tragacanthi, aca-
» cię, opij, singulorum drachmę duę, gummi drachmę duodecim: excipiuntur aqua
» pluuiali, & ad exceptionē ouorū crudorū recentiū quatuor albumina adijciuntur. »

Aliud ærianum, Diomedis collyrium, accommodatum ad defluxionis impetus, & dispositiones tum ueteres, tum recentes.

- » Cineris pompholygis drachmę octo, cerussę drachmę uiginti, æruginis drach-
» quatuor, myrrhę drachmę quatuordecim, thuris drachmę tres, opij tantundem,
» gummi drachmę octo: aqua pluuiali excipiuntur: usus est ex ouo.

Cygnus ex terra samia ad ulcera omnigena, ad defluxionis impetus, dolores uehementes, oculosq; purulentos.

- » Spodij eloti drachmę sedecim, cerussę elotę drachmę octo, terrę samię, amyli,
» acacię, opij, gummi, singulorū drachmę quatuor, tragacanthi drachmę duę: aqua
» pluuiali excipiuntur: usus est ex ouo.

Aliud Dionysio inscriptum.

- » Cerussę drachmę triginta octo, æruginis uermicularis drachmę sedecim, meco-
» nij drach. octo, gummi drach. quatuor: aqua pluuiali excipiunt: usus est ex lacte.

Ærianum nostrum, medicamentum ad uetustas dispositiones, & recentes accommodatum.

- » Cerussę drachmę uigintiquatuor, cadmię crematę elotęq; stimmi cõbusti elo-
» tiq; thuris, singulorum drachmę decem, squamę aris drachmę quinq; opij, myr-
» rhę, utriusque drachmę tres, gummi drachmę duodecim: aqua pluuiali excipiun-
» tur: usus est ex ouo.

Collyrium Gemadij.

- » Cerussę drachmę octodecim, stimmi os drachmę duodecim, myrrhę drachmę
» duodecim, squamę aris totidem, opij drachmę sex, gummi drachmę uigintiqua-
» tuor: aqua pluuialis affunditur.

Medicamentum Paxij ocularij ex terra samia ad dispositiones intensas.

- » Cadmię drachmę sedecim, cerussę drachmę sedecim, samię terrę drach. qua-
» tuor, opij drachmę duę, thuris tantundem, stimmi os drachmę quinq; gummi to-
» tidem: aqua excipito: usus est ex ouo.

Quod Therinon inscribitur.

- » Cadmię ustę elotęq; drachmę uiginti, acacię drachmę duę, squamę aris cre-
» mati eloti q; drachmę duodecim, corticis thuris drach. duę, tragacanthi drachmę
» duę

duæ, gummi drachmæ sedecim: aqua pluuiali excipiuntur: usus est ex ouo.

Collyrium Hygidium dictum.

Cadmia drachmæ octo, myrrhæ totidem, acaciæ drachmæ sex, opij drachmæ duæ, æris usti & eloti tantūdem, gummi drachmæ sex, ericæ seminis drachma una: aqua pluuialis adijcitur.

Anicetus, hoc est, inuincibilis aster ad uehementes dolores, pustulas, staphylomata, ulcera sordida

& depasta: ualet etiam ad dispositiones inueteratas, & cicatrices exerit.

Cadmia combustæ & elotæ drachmæ sedecim, cerussæ elotæ tantundem, amyli drachmæ duodecim, stimmios combusti tantundem, spodij, plumbi cremati & eloti, terræ samia, singulorū drachmæ octo, myrrhæ drachmæ duæ, opij totidem, tragacanthi drachmæ octo: aqua pluuialis adijcitur.

Aliud Libyanum inscriptum, ad pustulas, ambusta, rupturas, cælomata, oculos purulentos, chemo-

sin, staphylomata: facit etiam ad magnos dolores, dispositionesq;

& cicatrices exerit.

Cadmie combustæ & elotæ drachmæ sedecim, cerussæ elotæ drachmæ sedecim, stimmios combusti & eloti tantundem, plumbi cremati elotiq; drachmæ octo, amyli drach. duodecim, cineris pompholygis, myrrhæ, terræ stellatæ, tragacanthi, singulorum drachmæ octo, opij drachmæ duæ: & ut excipiatur, uiginti ouorum albumina. *Aliud Libyanum.* Pompholygis drachmæ octo, cadmia combustæ & elotæ drachmæ sedecim, stimmios combusti & eloti drachmæ duodecim, cerussæ elotæ drachmæ sedecim, amyli drachmæ duodecim, terræ samia drachmæ octo, plumbi cremati et eloti drachmæ octo, myrrhæ drachmæ duæ, opij drachmæ duæ, tragacanthi drachmæ duæ: aqua pluuialis adijcitur.

Collyrium diaceratos elaphiu, hoc est, ex cornu ceruino, ad ulcera & pustulas: cicatrices exerit.

Cornu ceruini usti & eloti, thuris, plumbi cremati & eloti, singulorū drachmæ quatuor, squamæ æris elotæ drachmæ duæ, opij drachma una, gummi drachmæ quatuor: aqua pluuialis adijcitur.

Aliud ex cornu cerui, Neapolite.

Plumbi cremati lotiq; drachmæ sedecim, cornu cerui combusti tantūdem, thuris, acaciæ, spodij cyprij, singulorum drachmæ octo, amyli drachmæ quatuor, opij drachmæ duæ, squamæ æris drachmæ duæ, croci drachmæ octo, myrrhæ drachmæ quatuor, tragacanthi drachma una, gummi drachmæ octo, alterci tantundem: diluto excipiuntur.

Viride ad dispositiones prauas.

Spodij cyprij drachmæ sedecim, amyli drachmæ sedecim, croci drachmæ octo, stimmios tantūdem, opij drachmæ quatuor, gummi drachmæ quatuor: aqua pluuiali excipiuntur: usus est ex ouo.

Aliud uiride Zoili ocularij.

Spodij cyprij drachmæ octo, croci drachmæ octo, amyli tantundem, opij drachmæ duæ, stimmios drachmæ octo, gummi drachmæ quatuor: excipiuntur anagallidis succo.

Aliud in alijs scripturis ita habet, Zoili uiride.

Cadmia crematæ & elotæ, uinoq; Italico extinctæ drachmæ octo, croci drach. quatuor, stimmios cōbusti, & lacte extincti drachmæ quatuor, amyli drach. una, gummi drachmæ duæ: excipiuntur succo anagallidis, quæ cæruleū colorē obtinet.

Ex scriptis Scribonij Largi, spittacinū à colore ita dictum: facit ad uehementes dolores, pustulas, solutas cicatrices, & uastum tumorem, quem, quia à loco interdum uidetur propellere oculum, proptofin uocant: item bene facit cum quasi sanguine suffusi sunt oculi æstate: uile est etiam ad alias dispositiones, & præcipue in oculis, qui facile sentiunt, & tenui lachryma defluunt. Recipit autem hæc:

Cadmia, croci, stimmios, amyli recentis, singulorum drachmæ octo, opij dra-

» chmæ quatuor, gummi tantundem: aqua pluuiali teruntur: usus est ex ovo.

Neocratitæ medicamentum ad dispositiones accomodatam.

» Cadmiæ, croci, singulorum drachmæ duodecim, opij drachmæ sex, squamæ sto
» momatis purgatæ drachmæ quinque, squamæ æris drachmæ sex, rosarum succi
» drachmæ sedecim, plumbi usti elotiq; drachmæ quinque, myrrhæ drachmæ tres,
» nardi drachmæ duæ, acaciæ tantundem, gummi drachmæ duodecim: aqua plu-
» uiatili teruntur.

Anthei uiride.

» Cadmiæ drachmæ quadraginta octo, myrrhæ drachmæ uiginti quatuor, croci
» drachmæ quadraginta octo, opij drachmæ uiginti quatuor, plumbi usti et eloti dra-
» chmæ octo, squamæ æris, nardi indicæ, acaciæ, singulorum drachmæ sex, gummi
» drachmæ uiginti quatuor: aqua pluuiali excipiuntur.

Diagalbani, hoc est, ex galbano medicamentum ad uehementes dolores, & lippitudines, quo usus est Nycetes.

» Cadmiæ, spodij cyprij, æris cremati & eloti, opij, myrrhæ, galbani, singulorum
» drachmæ octo: aqua excipito medicamentum: uehemēter est comprobatum. Re-
» cipit autem etiam gummi drachmas octo. In alijs scripturis spodium non habe-
» tur. *Aliud.* Cadmiæ drachmæ sedecim, æris usti elotiq; myrrhæ, galbani, opij,
» singulorum drachmæ octo, chalcanti drachmæ sex, gummi tantundem: aqua
» pluuiatili excipiuntur.

Diarhodon Nili, ut Andreas habet, ad uehementes dolores, fluxionem multam

& tenuem, pustulas, & proidentiam.

» Rosarum foliorum sine unguibus drachmæ quatuor, croci drachmæ duæ, opij
» obolus unus, nardi indicæ obolus unus, gummi drachmæ tres (in alio habet gum-
» mi drach. unam) aqua pluuiali excipiuntur: usus est ex ovo, temperatura diluta.

Aliud diarhodon Nili, quo usus est Gallio oclarijs.

» Rosarū drachmæ quatuor, croci drachmæ duæ, acaciæ drachma una, opij obo-
» lus unus, nardi indicæ obolus unus, gummi drachmæ tres: aqua pluuiali excipiun-
» tur: usus est ex ovo, temperatura diluta.

Aliud diarhodon, quod horion à tempestiuitate dicitur, ad easdem dispositiones.

» Rosarum, quibus ungues sint detracti drachmæ uiginti quatuor, croci duode-
» cim, amyli drachmæ sex, balauftij drachmæ quatuor, opij drachmæ quatuor, traga-
» canthi drachmæ octo: alterci foliorum succo excipiuntur. *Aliud.* Rosarum dra-
» chmæ octo, croci drachmæ quatuor, æris combusti elotiq; drachma una, gummi
» drachma una: aqua pluuiali excipiuntur: usus est ex ovo.

Diarhodon Terentij ex pompholyge.

» Rosarum tenerarum drachmæ duodecim, spodij cyprij, croci, opij, nardi, gum-
» mi, singulorum drachmæ quatuor: aqua pluuiatili teruntur.

Aliud diarhodon.

» Rosarum tenerarum drachmæ duæ, croci drachmæ sex, spodij cyprij drachmæ
» duæ, amyli tantundem, acaciæ drachma una, nardi indicæ drachma una, gummi
» drachmæ duæ, tragacanthi drachma una: aqua pluuiali excipiuntur.

Diarhodon Euelpidij, diasmyrnon dictum.

» Rosarum drachmæ centū, croci drachmæ quinquaginta, opij drachmæ octo,
» myrrhæ sesquidrachma, gummi drachmæ quinquaginta: uino odoro excipiun-
» tur: usus est ex ovo.

Aliud diarhodon.

» Rosarum drachmæ centū, croci drachmæ quinquaginta, opij drachmæ octo,
» myrrhæ tantundem, gummi drachmæ quinquaginta: uino odoro subiguntur: usus
» est ex ovo. Hoc ego præparauit in uicem foliorum rosarum, iniiciens rosarum flo-
» ris drachmas duas, ac uisum mihi est feliciter operari.

Diarhodon

Diarhodon, quod ex septuaginta duabus rosarum drachmis componitur, Megale dictum: usus eo est

Lucius Cathegetes, ad uehementes dolores, pustulas, uisiones, staphylomata, procidentias, oculos purulentos, fluxiones ueteres, lippitudines inueteratas, & dispositiones solutu cōtumaces.

Rosarum uiridium sine fibris drachmæ septuagintaduæ, cadmiæ ustæ & elotæ »
drachmæ uigintiquatuor, croci drachmæ sexaginta, opij drachmæ tres, stimmios »
tantundem (alij sex) æruginis drachmæ duæ (alij tres ponunt) squamæ æris drach. »
duæ, nardi indicæ tantundē, myrrhæ drachmæ sex (alij drachmas ponūt quatuor) »
gummi uigintiquatuor; aqua pluuiali excipito. »

Aliud ex septuaginta duabus rosarum drachmis.

Rosarum drachmæ septuagintaduæ, cadmiæ combustæ & elotæ drachmæ uigintiquatuor, croci drachmæ sex (secundum alios drachmæ octo) opij, stimmios, »
myrrhæ, singulorum drachmæ tres, squamæ æris drachmæ duæ, æruginis rasæ drachmæ duæ, nardi drachma una (secundum alios duæ) gummi drachmæ uigintiquatuor; aqua pluuiali excipiuntur; usus est ex lacte. »

Medicamentum ex uiolis albis, ad defluxionis impetus, & dispositiones.

Acaciæ drachmæ quadraginta octo, uiolearum albarum succi totidem, spodij »
cyprij drachmæ uigintiquatuor, croci tantundem, myrrhæ drachmæ quatuor, opij »
tantundem (secundum alios, drachmæ sex) alterci succi drachmæ quatuor, æris usti »
& eloti drachmæ quatuor, gummi tantundem; uino falerno subiguntur. »

Collyrion, quo usus est Florus in Antonia Drusi matre, quam alij medici propè uisu priuarant.

Acaciæ, rosarum siccarum, meliloti, singulorum drachmæ quadraginta octo, »
spodij, cyprij drachmæ uigintiquatuor, mandragoræ malorū drachmæ duæ, croci »
drachmæ uigintiquatuor, opij drachmæ sex, alterci seminis acetabula duo (secundum alios, drachmæ uigintiquatuor) myrrhæ drachmæ quatuor, æris usti & eloti »
drachmæ quatuor, gummi drachmæ quadraginta, uini falerni hemine tres; uinum »
& aqua miscentur: his adijciuntur rosæ, melilotus, alterci semen, & mandragoræ »
mala: sin minus, cortex, ac sinuntur tribus diebus aut quinq; macerari, deinde li- »
quore expresso ad medicamēti confectiōnem utitor, ac ubi in figuram redegeris, »
adhibeto ceu probatissimum medicamentum. »

Melinum delicatum, ijs qui nullam medicamentorum rosionem tolerant: facit ad pustulas, procidentias, in fluxionem acrem & copiosam, & uisiones & dispositiones recentes.

Cadmiæ ustæ & lacte restinctæ drachmæ sedecim, cerussæ elotæ drachmæ octo, »
croci drachmæ quatuor, opij drachma una, tragacanthi drachmæ duæ: aqua plu- »
uiali excipiuntur; usus est ex ouo. »

Aliud, ad uisiones, pustulas, procidentias, & uehementes dolores.

Cerussæ drachmæ uigintiquatuor, amyli drachmæ duodecim, cadmiæ elotæ dra- »
chmæ decem, thuris tantundem, croci drachmæ octo, opij totidem, gummi drach. »
decem, tragacanthi drachmæ duæ: aqua pluuiali excipiuntur; usus est ex ouo. »

Diarhodon Anenclethi.

Cadmiæ combustæ & elotæ drachmæ uigintiquatuor, cerussæ drachmæ duo- »
decim, opij drachmæ sex, rosarum floris drachmæ sex, croci tantundē, lapidis schi- »
fti drachmæ duodecim, gummi drachmæ decem; aqua pluuiali subiguntur; usus »
est ad fordida ulcera ex lacte, ad pura ex ouo. »

Aliud.

Cadmiæ combustæ & elotæ drachmæ uigintiquatuor, cerussæ drachmæ duode- »
cim, lapidis schifti drachmæ quatuor, rosarum floris drachmæ sex: aqua pluuiali »
subiguntur; usus est ad fordida ulcera ex lacte, & pura ex ouo. »

Crocodes Pædicon dictum ex pōpholyge, ad defluxionis impetus, uehemētes dolores, & dispositiones ex icthu.

Cineris pompholygis, croci, opij, singulorum drachmæ sedecim, tragacanthi »

» drachmæ octo: aqua pluuiali excipiuntur: & ad excipiendum, quatuor ouorum
» albumina adduntur.

Collyrium Cuius ocularij.

» Spodij cyprij drachmæ quatuor, amyli recentis drachmæ duodecim, croci dra-
» chmæ duæ, myrrhæ drachma una, mandragoræ succi drachma una, gummi dra-
» chmæ quatuor: aqua pluuiali teruntur: usus est ex ovo.

Abimetri lysiponium.

» Chalcanthi crudi drachmæ quadraginta, pompholygis crudæ tantundem, ce-
» ruffæ drachmæ uiginti quatuor, opij drachmæ duæ, croci drachmæ quatuor: cro-
» cus in aquam mittitur, & maceratur: eius diluto reliquum croci læuigatur, & cæte-
» ris miscetur: gummi drachmæ triginta duæ.

Diomedis lysiponium ad uehementem dolorem.

» Chalcanthi crudi drachmæ triginta duæ, ceruffæ drachmæ triginta una, cineris
» pompholygis drachmæ sedecim, croci tantundem, thuris drachmæ octo, myrrhæ
» drachmæ duæ, gummi drachmæ sedecim: aqua pluuialis adijcitur: usus est ex ouo:
» generosum est collyrium.

Zoili collyrium ad ueteres lippitudines, myocephalos, staphylomata, & ueiustas defluxiones.

» Cadmiæ drachmæ octo, æris cremati tantundem, ceruffæ drachmæ quatuor, aloës
» sesquidrachma, foliorum croci, chalcitidis tostæ, chalcanthi, opij, lycij, singulorum
» drachma una, myrrhæ drachmæ duæ, acaciæ drachmæ uiginti, spicæ nardi sesqui-
» drachma, gummi drachmæ uiginti, castorei drachmæ quatuor, stimmios combu-
» sti drachmæ octo: aqua pluuialis additur.

Asclepiadium Paxij, ad uehementes dolores, fluxionem tenuem & multam, adustionem, pus-

stulas, membranarum excrescencias, affretudinem, dispositiones inueteratas, &

eos qui à multis illiibus offensi sunt, statim adiuuat. Hæc autem recipit:

» Cadmiæ, æris combusti, croci, squamæ æris ustæ, singulorum drachmæ duode-
» cim, myrrhæ, nardi indicæ, rosarum siccarum, opij, lapidis hæmatitis, singulorum
» drachmæ quatuor, piperis albi grana uiginti quatuor, gummi drachmæ duode-
» cim, uini chij quod sufficit: usus est ex ovo. In alijs scripturis habet, rosarum dra-
» chmæ tres, piperis grana quindecim.

Nectarium inscriptum, medicamentum comprobatum.

» Cadmiæ, squamæ cypriæ, croci, singulorum drachmæ duodecim, opij drachmæ
» quatuor, æris combusti & eloti drachmæ duodecim, myrrhæ, lapidis hæmatitis, ro-
» sarum siccarum, spicæ nardi, misyos tostæ, casia fistulæ, singulorum drachmæ qua-
» tuor, piperis albi grana uiginti quinque, gummi drachmæ duodecim: uino uitior.

Antigoni crocoides leontarium quasi leunculus dictum, quandoquidem huic scripturæ

obsignabatur: facit ad defluxionis impetus, uehementes dolores, diffosio-

nes inueteratas: est etiam affretudini bonum, cicarices & cal-

los exterit, maxime uero infantibus cõducit.

» Spodij cyprij drachmæ quadraginta octo, croci drachmæ uiginti quatuor, myr-
» rhæ drachmæ duodecim, lapidis hæmatitis drachmæ octo, opij drachmæ duode-
» cim, piperis albi grana triginta sex, gummi drachmæ octoginta: uino falerno sur-
» biguntur. *Aliud.* Spodij cyprij drachmæ octoginta, croci drachmæ quadraginta,
» myrrhæ drachmæ uiginti, opij drachmæ uiginti, lapidis hæmatitis drachmæ duo-
» decim, piperis grana sexaginta, gummi drach. octoginta: uino falerno excipiuntur.

Ex scriptis Scribonij Largi, Machaonis Asclepios, ad ueteres dispo-

sitiones oculosq; purulentos.

» Cineris pompholygis drachmæ triginta duæ, æris usti totidem, croci siculi dra-
» chmæ sedecim, myrrhæ drachmæ sex, lapidis hæmatitis drachmæ decem, nardi in-
» dicæ drachmæ sex, opij tantundem, piperis grana quadraginta: uino chio teruntur.

In libro

In libro Athenipporum Asclepiorum, habet ita, opij drachmæ octo, ”

Euemeri ad dolores uehementes & dispositiones.

Aeris combusti & eloti drachmæ trigintaduæ, cineris pompholygis drachmæ ”
 sedecim, croci totidem, myrrhæ drachmæ octo, lapidis hæmatitis combusti & eloti ”
 drachmæ octo, spicæ nardi drachmæ quatuor, misyos usti drachmæ quatuor, opij ”
 torrefacti tantundem, gummi drachmæ sedecim, uini Italici quod sufficit. ”

*Diasmyrnon, quia boni odoris est, & uisus dicitur, medicamentum Synerotis ad inueteratas
 dispositiones accommodum: facit etiam ad rhyadas, & ægilopas.*

Cadmia elotæ drachmæ uigintiocto, lapidis hæmatitis cremati & eloti drach. ”
 10 uiginti quinque, spodiij cyprij drachmæ uigintiquatuor, myrrhæ drachmæ quadra- ”
 ginta octo, croci drachmæ quatuor, opij hispani drachmæ octo, piperis albi grana ”
 triginta, gummi drachmæ sex: uino Italico subiguntur: usus est ex ouo in recenti ”
 bus, & temperatura aquosa. Nonnulli ponunt croci drachmas duodecim. ”

*Hæmathinum Synerotis ad aspretudinem: facit bene ad ueteres dispositiones, sicut,
 omneq; tuberculum, si odorato medicamini Synerotis misceatur.*

Aeris combusti & eloti drachmæ uigintiquatuor, lapidis hæmatitis drachma ”
 una, croci drachmæ quatuor, opij tantundem, gummi drachmæ duodecim: aceto ”
 acerrimo teruntur. *Aliud.*

Aeris cõbusti drachmæ quadraginta octo, croci drachmæ uigintiquatuor, opij ”
 20 drachmæ quatuor, gummi thebaici drachmæ uigintiquatuor, pompholygis dra- ”
 chmæ octodecim, myrrhæ tantundem, salis ammoniaci drachmæ duodecim, lapi- ”
 dis hæmatitis drachma una, æruginis drachmæ quatuor: uino excipiuntur. ”

Iracis ad aspretudinem.

Misyos usti, croci, opij, lapidis hæmatitis eloti, singulorum drachmæ octo, æris ”
 combusti & eloti, myrrhæ, gummi, singulorum drachmæ duodecim: aceto sub- ”
 guntur acerrimo. ”

*Apollonij scylation, qui insigniter medicatus est, hoc est, ironicum collyrium:
 aspretudinem tollit: uocatur autem phoenix: ualet etiam ad
 milphosin, id est, palpebrarum defluuia, &
 dispositiones inueteratas.*

30 Lapidis hæmatitis usti & eloti drachmæ trigintaduæ, æris cõbusti & eloti dra- ”
 chmæ sedecim, æruginis rasæ tantūdem, opij drachmæ octo (secundum alios sex) ”
 cadmiæ botrytidis drachmæ quatuor, chalcitidis tostæ tantundem, gummi dra- ”
 chmæ sedecim: aqua pluuialis adijcitur.

Aliter, phoenix Apollonij, ut Arius Asclepiadeus in proprijs medicamentorū collectionibus scripsit. ”

Lapidis hæmatitis drachmæ uigintiquatuor, lapidis schisti usti & eloti tantun- ”
 dem, cadmiæ drachmæ duodecim, æris combusti tantundem, opij drachmæ octo, ”
 chalcitidis tostæ drachmæ quatuor (secundum alios octo) alibi habetur etiam, æru- ”
 ginis drachmæ duodecim, gummi drachmæ sedecim: aqua pluuialis adijcitur. ”

Aliud collyrium ad aspretudinem.

40 Chalcitidis ustæ & elotæ drachmæ duodecim, misyos combusti & eloti drach. ”
 octo, croci, opij, singulorum drachmæ sex, lapidis hæmatitis drachmæ octo, gum- ”
 mi drachmæ duodecim: aceto subiguntur acerrimo.

Collyrium ad aspretudinem. ”

Aeris combusti & eloti drachmæ uigintiquatuor, cineris pompholygis drach. ”
 sedecim, myrrhæ tantundē, salis ammoniaci drachmæ duodecim, lapidis hæmati- ”
 tis drachmæ quatuor, opij totidem, piperis grana duodecim (in alio est, grana fede- ”
 cim) gummi drachmæ octo: uino excipito & utitor.

Euemeri collyrium, cicatrices & callos exterit: facit etiam ad dispositiones inueteratas. ”

Cadmia drachmæ sexaginta, croci drachmæ quinquaginta, spicæ nardi dra- ”

- » chmæ uiginti, squamæ æris torrefactæ drachmæ quinquaginta, myrrhæ tantun-
 » dem, opij drachmæ triginta, æris combusti drachmæ sexaginta, misyos crudæ dra-
 » chmæ quinquaginta, gummi drachmæ septuaginta: uino chio excipiuntur.

Aliud Pyrami, cicatrices & callos exterens, reprimit omnem excessum.

- » Cadmiæ cypriæ, lapidis hæmatitis, æris combusti, singulorum drachmæ qua-
 » draginta, misyos combusti, croci, guttæ ammoniaci, squamæ æris uisæ & elotæ,
 » opij, myrrhæ, singulorum drachmæ uiginti, gummi drachmæ triginta una: ex ace-
 » to acerrimo utitor.

Aliud Eumeri, ad easdem dispositiones.

- » Aeris combusti & eloti drachmæ uiginti, cineris pompholygis drachmæ duo- 10
 » decim, myrrhæ drachmæ octo, falis ammoniaci drachmæ duodecim, lapidis hæ-
 » matitis drachmæ quatuor, piperis drachmæ duodecim, gummi drachmæ octo, ui-
 » ni chij quod sufficit.

Lyncæus collyrium dictum ad callosas dispositiones, uisum probè exacuens: cicatrices & callos exterit.

- » Cadmiæ drachmæ duodecim, æris combusti & eloti drachmæ duodecim, guttæ
 » ammoniaci drachmæ duodecim, myrrhæ drachmæ sedecim, lapidis hæmatitis dra-
 » chmæ sex, opij tantundem, aloës, fellis taurini, galbani, singulorum drachmæ qua-
 » tuor, æruginis drachma una, opopanacis drachmæ quatuor, falis ammoniaci dra-
 » chmæ duæ, gummi drach. sex (secundū alios, drach. duæ) aqua pluuiialis adijcitur.

Rhinema inscriptum, facit ad callosas dispositiones, & cicatrices abolet: 10

confert etiam suffusionibus.

- » Cadmiæ, guttæ ammoniaci, æris combusti, singulorum drachmæ quadraginta-
 » octo, opij, æruginis cypriæ, myrrhæ, singulorum drachmæ sedecim, lapidis hæma-
 » titis drachmæ uigintiquatuor, galbani drachmæ sedecim, opopanacis drachmæ
 » octo, fellis taurini drachmæ octo, falis ammoniaci drachmæ quatuor, gummi dra-
 » chmæ sexaginta: aqua pluuialis adijcitur: usus est ex aqua.

*Collyrium quod Harmation inscribitur, quo usus est Ptolemæus rex, abstergorium: cicatrices
 exterit, iam & uisum acuit, aspretudinemq; delet.*

- » Aeris cremati & eloti, guttæ ammoniaci, lapidis hæmatitis, corticis thuris, gum-
 » mi, singulorum drachmæ octo: aqua pluuiali excipiuntur: usus est ex aqua. In alijs 10
 » scripturis habet etiam æruginis drachmas duas.

Collyrium ex hæmatite uisum acuens, cicatrices & callos exterit.

- » Guttæ ammoniaci, æris combusti & eloti, lapidis hæmatitis, gummi, singulorū
 » drachmæ uigintiquatuor, æruginis drachmæ octo: aqua pluuialis additur.

*Artemonium inscriptum, quo usus est Basus familiaris: facit ad diuturnas fluxiones, palpe-
 brarum aspredines, lachrymantes, & erosos oculorum angulos, & humentes oculos,
 & membranarū excessus, cicatrices & callos exterit: maximū uero in hoc
 medicamēto id est, quod post illitiones, oculos imperturbatos cōseruet.*

- » Stimmios drachmæ quatuor, æris combustæ drachmæ duæ, cerussæ tantūdem,
 » croci, corticis thuris, æruginis uermicularis, gallarum immaturarum, piperis albi, 40
 » gummi, singulorum drachma una: uino excipiuntur: usus est ex aqua.

Aliud medicamentum comprobatum.

- » Cadmiæ, stimmiōs, cerussæ, singulorum drachmæ octo, æris cremati drachmæ
 » quatuor, corticis thuris, croci, myrrhæ, æruginis uermicularis, gallarum immatur-
 » rarum, singulorū drachmæ duæ, piperis albi drachma una, gummi drachmæ qua-
 » tuor: uino excipiuntur.

*Collyrium indicum ærinon dictum, prohibens omnem lippitudinem: facit ad caliginem, dispo-
 sitiones scabiosas, angulos erosos, & cicatrices abstergit. Maximum in hoc medi-
 camento id est, quod postquā fuerit illitū, oculi nō perturbantur.*

- » Cerussæ rhodiacæ drachmæ quadraginta octo, cadmiæ cypriæ drachmæ uigin-
 » tiquatuor

quatuor, atramenti indici, opij, singulorum drachmę octo, piperis albi drachmę »
 octo uel sex, opobalsami drachmę octo uel sex, gummi drachmę sedecim, cina- »
 momi drachmę duę, alibi drachmę duodecim: aqua pluuiali excipiuntur. »

Hermophili Thalasserus, collyrium probatum ad suffusiones, & omnem hebetudinem: ualet etiam ad principia suffusionis: est autem medicamentum odoratissimum.

Cadmie drachmę sedecim, atramenti indici tantundem, piperis albi drachmę »
 octo, æruginis, opij medici, opobalsami, singulorū drach. quatuor, gummi drach. »
 xij. aqua excipiuntur: usus est ex aqua, temperatura ad dispositiones conferens. »

Pomponi Basi: facit etiam ad suffusionis initia.

10 Cadmie drachmę uigintiseptem, atramenti indici drach. sedecim, piperis albi »
 drachmę duodecim, liquoris cyrenaici drachmę quindecim, opobalsami drach. »
 sex, spicę nardi tantundem, sagapeni drachmę quinq;, opopanacis totidem, opij, »
 drachmę quatuor, euphorbij drachma una, cinamomi tantundem, gummi dra- »
 chmę triginta: liquor, succus fœniculi adiicitur. »

Indicum Basilicon dictum: facit ad suffusionis initia, omnemq; caliginem, & cicatrices exterit.

Cadmie ustę & elotę libra una triens, atramenti indici drachmę sex, ceruffę »
 triens, piperis albi selibra, fellis hyęne totum quod cōtinet, scarorum fella decem, »
 perdicum fella quatuor, lachrymę papaueris uncia, opobalsami, opopanacis, sa- »
 gapeni, singulorum sextans, gummi libra: excipiuntur fœniculi succo, aut herbę, »
 20 quę dicitur heraclęa. »

Quod instillari possit Paccij, ut Themison.

Cadmie drachmę sexagintaquatuor, misyos, chalcanti, stimmi, piperis al- »
 bi, singulorum drachmę trigintaduę, opij, æruginis, opobalsami, singulorum dra- »
 chmę sedecim, gummi drachmę sexagintaquatuor: aqua pluuialis additur. »

Chelidonium inscriptum.

Cadmie drachmę quadraginta octo, stimmi drachmę duodecim, misyos dra- »
 chmę octo, piperis drachmę triginta sex, chalcanti drachmę sex, opij drachmę »
 sex, opobalsami drachmę quatuor, gummi drachmę uiginti quatuor: aqua plu- »
 uiali excipiuntur. »

Hieracinum ad hebetudines, & scabiosas dispositiones.

30 Ceruffę drachmę sedecim, cadmie drachmę octo, opij drachmę duę, gummi »
 drachmę sex: aqua pluuiali excipiuntur: usus est ex aqua. »

Aliud, cicatrices & callos exterit.

Cadmie drachmę sedecim, ceruffę drachmę octo, piperis albi drachmę qua- »
 tuor, æruginis, opobalsami, omphacij, singulorū drachmę duę, gummi drachmę »
 quatuor: aqua additur. »

Collyrium rubidum pancheston inscriptum, medicamentum probatum ad scabiosas erososq; angulos, & intensos pruritus, & palpebras ficosas.

40 Cadmie drachmę octoginta, chalcitidis ustę, piperis albi, gummi, singulorū, »
 drachmę quadraginta: excipiuntur aqua pluuiali. In alijs scripturis æqualia habe- »
 tur pondera. »

Aliud.

Cadmie drachmę octoginta, chalcitidis ustę, piperis albi, singulorū drachmę »
 quadraginta, croci, myrrhę, singulorum drachmę duodecim, gummi drachmę »
 quadraginta: aqua pluuialis additur. »

Triphonis sphericum.

Cadmie drachmę quadraginta octo, squamę æris, æris combusti elotię, pipe- »
 ris albi, singulorum drachmę trigintaduę, opij drach. octo, myrrhę drach. octo, »
 opobalsami drach. quatuor, gummi drach. trigintaduę: aqua pluuialis adiicitur. »

Collyrium Galli uisum exacuens.

Cadmie drachmę quadraginta octo, chalcitidis ustę drachmę uiginti quatuor, »

- » piperis albi drachmæ sex, squamæ æris drachmę octo, opij drachmæ quinq̄, om-
 » phacij drachmæ quatuor, myrrhæ drachmę duæ, opobalsami drachmæ quatuor,
 » gummi drach. duodecim, piperis albi grana decem: aquæ pluuiialis quod satis est,

Collyrium aromaticum inscriptum.

- » Aeris combusti & eloti drachmę sedecim, æruginis, myrrhæ, opij, piperis albi,
 » singulorum drachmæ quatuor, nardi drachmę duæ, croci drachmę quatuor, opo-
 » balsami drachmę duæ, gummi drachmæ quatuor: aqua pluuiali excipiuntur,

Heraclidis aromaticum ex hematite.

- » Aeris combusti elotiq̄ drachmæ quadraginta octo, cadmiæ, croci, lapidis hæ-
 » matitis, singulorum drachmæ uiginti quatuor, opij, piperis albi, singulorum dra-
 » chmæ duodecim, gummi drachmæ uiginti quatuor: uino falerno excipiuntur.

Crocodes Asclepij, uisum exacuens.

- » Aeris uisti drachmæ quadraginta octo, croci drachmę duodecim, omphacij dra-
 » chmæ quatuor, opij drachmę duodecim, myrrhę drachmę duæ, opobalsami dra-
 » chmæ quatuor, gummi drachmę duodecim, piperis albi grana decem: aqua plu-
 » uialis quod sufficit.

*Isochrisi ad erosos angulos, scabiosas dispositiones, inueteratas lippitudines, aspretu-
 dines, ficosas excrescentias: cicatrices & callos exerit.*

- » Cadmiæ drachmę sex, lapidis hæmatitis, myrrhæ, singulorum drach. sedecim,
 » croci drachmæ uiginti quatuor, piperis longi drachmę duodecim, piperis albi dra-
 » chmæ uiginti quatuor, gummi drach. sexaginta quatuor: uino italico excipiuntur.

*Cinnabaron Axij ocularij, Stole, Britannici, ad erosos angulos, malas oculorum dispo-
 sitiones, intensos pruritus, diuturnos affectus.*

- » Pforici drachmæ uiginti quatuor, cadmiæ tantundem, croci, piperis, cinnabaris
 » singulorum drachmę sedecim, opij drachmę duodecim, gummi drachmæ uigin-
 » ti quatuor: aqua pluuiali excipiuntur, *Aliud.*

- » Pforici, piperis, cadmiæ, croci, singulorum drachmæ uiginti quatuor, sandara-
 » chæ, opij, cinnabaris, gummi singulorum drachmæ octo: aqua pluuialis additur,

*Melinon atarachon inscriptum: facit ad omnem hebetudinem, & ad ueteres
 dispositiones: cicatrices & callos exerit.*

- » Cadmiæ drachmæ uiginti quatuor, omphacij drachmæ duodecim, salis ammo-
 » niaci drachmæ quatuor, guttæ ammoniaci drachmæ duodecim, opij drachmæ
 » octo, gummi drachmæ uiginti quatuor, cerussæ tantundem, croci drachmæ sed-
 » cim, piperis albi drachmæ uiginti quatuor: aqua pluuialis additur.

*Lucij Cathegētis melinon, ad scabiosos & erosos angulos, intensos pruritus, humentes
 oculos: item ad omnem hebetudinem: cicatrices & callos exerit.*

- » Cerussæ drachmæ uiginti quatuor, croci tantundem, guttæ ammoniaci drach.
 » sex, salis ammoniaci drachmæ sex, nardi indicæ drachmæ sex, opij drachmę sex,
 » myrrhæ, omphacij, singulorum drachmæ sex, gummi drachmæ uiginti quatuor:
 » aqua pluuiali excipiuntur.

*Aliud collyrium Proteus, cui nullum est æquale: facit ad initia suffusionis, & omnem
 hebetudinem: cicatrices & callos exerit.*

- » Cadmiæ drachmæ duæ, chalcitidis crudæ, cerussæ, singulorum drachmæ qua-
 » draginta, piperis albi drachmæ triginta, liquoris cyrenaici drachmæ uiginti, croci
 » drachmæ sedecim, opij drachmæ duodecim, sagapeni drachmæ duodecim, oleæ
 » lachrymæ totidem, arsenici drachmę octo, myrrhæ drachmæ duodecim, gummi
 » drachmæ uiginti, opopanacis par modus, opobalsami drachmæ duodecim: aqua
 » pluuiatili excipiuntur: usus est ex aqua.

Hygieni χρυσοῦ, hoc est, aureum, ad erosos angulos & scabiosas dispositiones.

- » Sandarachæ drach. uiginti quatuor, piperis albi grana duodecim, myrrhæ dra-
 chmæ

chmæ sex, croci tantundem, gummi drachmæ duodecim: usus indicatus est. »

Aliter.

Sandarachæ, croci, piperis, singulorum drachmæ sedecim, myrrhæ drachmæ »
quatuor, gummi drachmæ duodecim: usus indicatus est. »

Aliter.

Sandarachæ drachmæ uiginti quatuor, piperis albi drach. duodecim, myrrhæ »
drachmæ sex, croci tantundem, gummi drach. duodecim: aqua pluuialis adijcitur. »

Euemeri pforicum, facit ad erosos angulos, & scabiosas cicatrices, & callos exterit. Bene facit

ad inueteratas dispositiones, & mali habitus lippitudines, & aspretudines.

10 Pforici drachmæ uiginti quatuor, croci drachmæ duodecim, opij, ceruffæ, singu- »
lorum drachmæ quatuor, piperis albi, omphacij, singulorum tantundem: uino fa- »
lerno excipito. »

Basilidium pforicum.

Pforici drachmæ quadraginta octo, croci drachmæ uiginti quatuor, opij drach. »
octo, lapidis asij floris, ceruffæ, singulorum drachmæ octo, piperis drachmæ sex, »
opobalsami, omphacij, singulorum drachmæ quatuor, gummi drachmæ sedecim: »
uino falerno excipiuntur. »

Panchreston, id est, multi usus, Athenipium.

20 Pforici drachmæ sexaginta quatuor, croci drach. sedecim, chalcitidis uisæ dra- »
chmæ sedecim, sandarachæ drachmæ uiginti, myrrhæ drachmæ octo, piperis albi »
drachmæ sedecim, casia fistulæ drachmæ octo, malabathri foliorū drachmæ qua- »
tuor, opij drachmæ sedecim, omphacij drachmæ quatuor, misy uisæ drachmæ dua, »
gummi drachmæ uiginti quatuor: aqua pluuiali excipiuntur. »

Ptolemæi illius nobilis medicamentum factum ad scabiosos & erosos angulos, intensos

pruritus, de fluxu palpebrarum, & hebetudinem.

30 Pforici drachmæ sexaginta, sandarachæ drachmæ triginta, chalcitidis uisæ dra- »
chmæ uiginti quatuor, croci tantundem, myrrhæ drachmæ duodecim, opij drach. »
dua, casia fistulæ drachmæ duodecim, piperis drachmæ quatuor, piperis albi dra- »
chmæ septem, omphacij drachmæ sex, misyos uisæ drachmæ tres, malabathri folio »
rum drachma una, gummi drachmæ triginta sex: aqua pluuialis additur. »

Collyrium malabathri oxydericum, id est, uisum acuens, ad circumerosos angulos.

Stimmios drachmæ uiginti quatuor, acaciæ, piperis albi, singulorum drachmæ »
uiginti quatuor, nardi indicæ drachmæ duodecim, opij drachmæ sex, croci, ompha- »
cij, singulorū tantundem, gummi drachmæ triginta sex: aqua pluuiali subigitur. »

Aliud.

Stimmios uisæ elotiq; drachmæ quadraginta, acaciæ drach. quadraginta sex, »
nardi gallicæ drachmæ sex, myrrhæ drachmæ octo, croci totidem, omphacij, opij, »
cadmiæ, singulorū drach. sex, gummi drach. triginta dua: aqua pluuialis adijcitur. »

Archigenis in primo de medicamentis lætæ γγος, conscripta ad oculos affectos medicamenta.

40 In defluxionibus ad oculos: in principio conuenit cibus ac potus paucus, aquæ »
potus, & magis ueneris abstinētia: deinde aluum subducito mulsa, & sæpius aqua »
frigida, cui deinde etiam paulū aceti mixtū sit: faciem cōtinuò colluito. aliqui chal- »
canthū aquæ inditū præbent ad colluendū. Euitent odores acres, et pulueres, fumū, »
item solis et lucernarū splendorem: ad noctem auri lanæ puræ ex uino, aut sordide »
ex aqua frigida imponantur, & mane, ut dixi, colluant. Quod si intendatur flu- »
xio, & dolor superueniat, sanguinis missio conducit, & cibi in totum abstinētia, »
& litis: nisi urantur, & uentris ualida fluxio intendatur, aut propter conueniens »
medicamentum purgans, aut clysterem ualidum. Post hæc autem circa frontem »
uitis folia uiridia continenter imposita auxiliantur, aut myrti, aut lentisci, aut rubi »
succus, aut brassicæ, aut uitis folia cum tenui polenta, aut cupressus, sampsurchus, »

» ocimum, silybrium, cœnanthe, crocus domesticus, syluestris, sandarachæ, &
 » rhus, mali punici flores, uitex, mali cotonei tenera folia, singula in uino & tenui
 » polenta. Circa oculos autem lana pura, oui albo madida, aut oui tosti luteum,
 » aut melilotum in passo decoctum, asphodeli radix cum uino et tenui polenta, aut
 » iris contrita cum uino et tenui polenta, aut rhus succus cum tenui polenta, aut ipse
 » coctus in uino marina experti, aut bacce iuniperi cum uino & tenui polenta fron-
 » ti illitæ, & ipsis oculis impositæ. Ad hæc eryngij & fœniculi equini radix leuigata
 » cum aqua, & cicutæ semen eodem modo præparatum, profunt. Caseus mollis re-
 » cens cum apij folijs illitus: aut papauer syluestre in passo decoctum, & leuigatum,
 » illitum, similiter & melilotum in passo coctum, croci momento adiecto, liquorisq;
 » papaueris syluatici: aut panis ex uino rosaceo maceratus mirifice prodest: aut tri-
 » bulo tenero obducito per se, aut etiam polëta permixtus probè facit. Et in uniuersum
 » omne astringentium genus & repellentium in principijs, qualia sunt cicuta,
 » psyllium, apium, solanum, lentes palustres, serpyllum, sampsuchum, folia uitis, co-
 » riandrum, portulaca, lens aquatilis, semperuiuum, papaueris syluestris folia, urti-
 » cæ, unumquodq; horum molliens cum uino illinito, psyllium autem cum aqua,
 » sic & lenticulam palustrem.

Ad calidum defluxum.

» Brassicam læuigatam cum tenui polenta ex aqua applicato, aut ocimi folia si-
 » militer, aut rutæ folia cum adipe anserino, aut sampsuchi folia: aut halicacabum le-
 » uem applicato. Siftunt autem multum fluxum papaueris capita, et altercum cum
 » tenui polenta & uino: prius autem foueto hoc modo. Post uigoris immutatione,
 » & cum tempus amplius non est astringentium, utendum oculorum & capitis fo-
 » tu. Vehementer autem iuuat soluitq; inflammationes, et si qua distentio fuerit, lin-
 » teolum tenerum butyro madidum oculis impositum.

De chemosi.

» In quibus autem ualida chemosis obuenerit, accipiens oui luteum & carnem
 » muscarum læuigato: deinde ubi cerati formam acceperit, in panniculum imponi
 » to, statim quiescit.

Quod circumlinitur oculis.

» Panis mundus ustus, mixtus acaciæ & hederæ cum aqua. Ad uehementes autè
 » dolores rosam uiridem aut siccam passo madidam læuigato, & admixto oui tosti
 » luteo & croci quantum satis est in passo: aut polenta hordeacea, aut triticea in pas-
 » so cocta. Si uero maior dolor fuerit, admisce papaueris syluestris teneri folia, aut
 » cortices capitum papaueris, aut alterci folia instar drachmarum quatuor, cum oui
 » luteo: aut silybriū coctum in aqua læuigatum, affundens uini quod satis est, ap-
 » plicato: aut papaueris albi capita in passo cocta, & læuigata imposito: aut apij te-
 » neram comam, aut pulegij teneram comam similiter, aut peponis, aut cucumeris
 » carnem, aut oui tosti luteum, & croci momentum læuigati, cum uino modico illi-
 » nito. Ex inflammatione autem dolentes oculos, panace ac pulegio ex uino mace-
 » ratis illinito. Probè facit piceæ cortex, & polenta cum uino: aut alterci folia & opi-
 » um contrita illinito: aut papaueris cauliculos leuigatos, & rosam & melilotum et
 » myrrhæ modicum, mixta & subacta oui albumine, sic illinito. Aut aloën, & opiū
 » cum aqua in panniculum acceptis applicato: caue autem ne instilles in oculum. In
 » uehemētibus autem doloribus, crocum bonum cum lacte accipe & instillato. Ad
 » uehemētissimos autē dolores, coriandi liquorē cum muliebri lacte in oculos instil-
 » lato: similiter & papaueris liquorē coctū: folia platani læuigata cū tenui polenta,
 » super oculos admoueto. In fluxionibus uero cataplasmata sunt, cupressus uiridis
 » cum uino, aut paliuri folia, aut portulaca læuigata cū adipe anserino & croco, aut
 » iris sicca cū melle: aut mannā & myrrhā cū oui albumine in lana fronti imposito.

Admoueto

Admoueto autem apium modo cataplasmatum cum polenta. Aut seselis flores ui-
 no irrigatos, aut papaueris tenera folia. Si uigilijs torqueantur, mandragoræ radi-
 cem, & liquorẽ, & papaueris folia, & polentã, æquali pondere tanquã in massam
 redacta, olfacienda præbeto, et dormient. In magnis autem defluxionibus, pulegij
 recentis semen, maximè succum, ubi bene ex aceto in malagmatis formã redege-
 ris, lanam occipitio superimponito, & leuiter illigato: nonnulli uero & papauer
 tenerum ipsi admiscunt, aut opij paululum, aut rosam & melilotũ cocta, aut amy-
 lum cum uino: aut oui albumine oculos obducito. Summè facit ad multas & sub-
 tiles, ueteresq; defluxiones & ulcera, pompholygis drach. quatuor, opij torrefacti
 10 oboli tres, gummi drachmæ quatuor: aqua pluuialis aut fontana additur.

Agglutinamentum ad defluxiones.

Similam & mannæ dimidium cum oui albumine in emplastri formã redacta,
 per initia panniculo fronti imponito: aut oui mollis luteum cum thure: aut co-
 chleam cum testa una ex oui albumine: ubi in spissitudinem redegeris, in splenio
 usq; ad utraq; tempora imponito, per se enim decidet, ubi fluxio destiterit: aut mo-
 schi malagmatis, aut barbari, aut chore, id est uiridis, aut alterius uulnerarij, ex his
 quæ aceto parantur, splenion fronti imponito.

Ad uibices & hyposphagmata.

Ad ictus qui oculis inferuntur, & ob quos cruentæ suffusiones oboriuntur, sta-
 20 tim per initia ad inflammationes & dolorem, facit columbæ sanguis instillatus, et
 præcipue ex teneris expressus alis. Item albumen oui eodem modo facit oculo in-
 fusum, deinde lana munda acceptum, & superimpositum. Recte aut imponitur
 & luteum oui tosti, cum uino illitum: aut melilotum coctum ex uino eodem mo-
 do impositum. Præterea rosarum folia & flores seorsim, & simul cum uino trita
 tenuiq; polenta, aut brassicæ folia illita. Vbi in uetustatem inciderint, si uibex per
 feueret, thure, bitumine, æqualibus mixtis, suffumigato oculo: aut hyssopi co-
 mam læuigatam accipiens, in lineum panniculum immissam in aquam feruentẽ,
 applicato oculo: sequitur enim sanguis, ita ut ex linteolo effluere possit cum expri-
 mitur: aut nitrum & terram æthiopicam, myrrham, æqualia cum aqua inungito:
 30 aut oleæ foliorũ uiridium succum subungito: aut ammi & hyssopum lacti bouil-
 lo læui misceto, & subungito: aut lini semen læuigatum cum butyro: expressa per
 linteolum illinito, caput autem frigidum perfundito.

Curatio œdematum.

Ad œdemata autem quæ oculis ex ictibus oboriuntur, plurimũ confert fots
 spongia molli continuè adhibitus: deinde spongia aceto pulchrè temperato ma-
 dens imposita: postea autem uetus sinapi tritum cum aqua, & circumpositum fre-
 quenter, & ablatum: similiter etiam nasturtium, sed ita ut cum aufertur, loca con-
 tinuò aqua calida foueantur.

Ad scabidos oculos.

40 Si oculi scabiosa lippitudine ex sole et puluere plurimum laborent, aqua copio-
 sa adfusa, æstate quidem frigida, hyeme uero calida, prodest. Confert & spongia
 rum fots ex aqua calente, aut lentis decocto. Iplis autem angulis admoueto, rubi
 lentisci, myrti, rosarum succum, priuatim singula cum aqua, aut rosas siccas tritas
 cum uino, aut flores earum, aut uinum marine expers, & uetus oleum, et maxime
 dormituris. Expedit etiam in his à fallis, acribus, præterea & acidis omnibus ab-
 stinere. Ad diuturnas uero & callosas palpebrarum dispositiones, amurcam co-
 ctam cum oleo tritam inungito.

De pilosi.

In pilosi & his qui pilos non habent summè facit, & pilos reducit, acaciæ dra-
 chmæ duæ, atramētũ scriptorijs sicci, aut si haberi possit memphitici drach. quinq; ,

succi porri heminae quatuor, uini marinae expertis heminae quatuor: coquito usque dum sordium spissitudo facta fuerit, & pyxide excipiens utitor. Aut muscerda, & stercoris caprilli usque pari portione, arundinis graecanicae cineris duplicata: melle attico inungito. Hoc etiam milpholin, hoc est, palpebrarum defluuia iuuat. Aeruginis laeuigatae partem unam, guttae ammoniacae tantundem: laeuigatis attingito. Hoc summè prodest & scabiolis oculis. Aut cadmiam laeuigatam, melle subactam, in olla coquito, deinde aeris usque tantundem: laeuigatis utitor.

De trichiasi, id est, pilis oculum infestantibus.

Supercrecentes in palpebris pilos euellens, sanguine cimicis subungito, & non crescent. Papias Laodiceus Autolyti medicus multa disputauit de his qui trichiasis laborant, pilos euellens, deinde dropace illinens locum diligenter. Item chamaeleonte albo laeuimacerato, sanguine ranarum uiridium, quae inter arundines generantur, subungito: non enim succrescunt: aut euulsis pilis cedrinum liquorem tellinarum testis tenuibus laeuigatis illinito: aut auis dictae cinædi bile utitor, aut phagri marini bile. Critonis, canis foemellae sanguine. Summè facit hoc, erinacei terre stris bilis & sanguinis par pondus. Bilis chamaeleontis aequale, castorei modicum: redigito in formam squamarum piscis ac utitor, radicitus pilos euellens, deinde squamam unam salua oris ieiunus dissoluens, subunge, et contine locum quasi dimidia hora: dolent quidem, sed non amplius crescent. Aut bilem hyanae foemellae, pilos euellens, confestim subungito. Aut tellinas tenuissime laeuigatas sublinito. Aut ubi euulseris folia cicuta, cedrinum liquorem pari pondere cum uespertilionis sanguine sublinito, & contine donec exiccata sint: si enim humidum attingit oculi, laedit. Aut ubi euulseris, caprae bilem cum brassicae succo oblinito. Dixit autem Hermias, spumam aquae si illinatur cum dropace, summè auxiliari.

De staphylomatis & albuginibus.

Staphylomata auferes cantharidum succi illitum. Albugines statim sanat nitrum cum oleo ueteri diligenter laeuigatum, & illitum: aut lacertae stercus: aut nyctico racis ouum illitum, tingit albugines: aut croci, piperis, paria pondera cum aeluri bile, in collyrii formam redacta, inducito: aut sepiæ testam laeuigatam, maceratam in melle, usque tamque applicato.

Curatio hebetudinis & suffusionis.

- » Hebetudinem omnem, aut incipientem suffusionem sanat quodammodo fel cum marrubij succo et melle attico. Aut myrrhae, piperis, pari pondera cum melle,
- » aut solano nigro illinito. Facit et cyperus reposita in creta pyxide: aut foeniculi succum & fel taurinum liquidum pari pondere, mellis attici duplum, inungito: aut croci, piperis, aequalia pondera cum felle taurino excepta in modum collyrii inungito: aut populi albae succum cum duplo mellis attici illinito.

De suffusionibus quae hypochymata dicuntur.

- » Testudinis marinae fellis partem unam, mellis attici quadruplum, inungito: aut fellis quod fatis est cum aqua.

Ad pterygia, id est, ungues.

- » Ad pterygia uero chalcanthi, salis ammoniaci, aequalia pondera, gummi dimidium: aceto redacta collyria inungito. Aut populi albae succum cum duplo mellis laeuim illinito.

Ad glaucos & nyctilopas.

- » Ad glaucos: si succus solani instilletur, nigros facit oculos: è contrario in patientibus nocturnam caecitudinem, qui nyctilopes Graecis dicuntur. Iecoris hircini salinem, quae dum assatur effluit, oblinito, & sic quidem oblinito eos, ipsum uero iecur edendum praebeto. Auxiliatur etiam sanguis columbae illitus, aut fel caprillum: aut hepar caprillum coquito, iubetque cooperitos in ollam inconiuentes defigere oculos

oculos, et his uaporem recipiant: ipsum uero comedendum frequenter exhibeto: »
hoc facito, & cito æger iurabitur. Aut elaterij obolum, & feminis portulacæ dra- »
chmam unā cum melle illinito. Aut onidis recentis trite sucum subungito. Edant »
autem betam aut uulturis iecur tostum, aut felle inungantur. »

Ad crithas quas & posthias uocant.

Crithas subortas in palpebris cera alba totas auferes, muscæ capite abiecto, reli- »
quo corpore critham atterito. »

CLAVDII GALENI PERGAMENI DE

COMPOSITIONE MEDICAMENTORVM SECUNDVM

locos liber quintus, Ioanne Guinterio An-
dernaco interprete.

De hypopijs, id est, sugillatis.



Ypopium, quod *ὑπό οὖν ὠπας*, id est, sub oculis fiat, ex ipso no-
mine manifestum est, ac si quis suboculare ipsum nominaue-
rit. Caterum ex genere ecchymomatum est. Nomināt autem
sic Hippocrates & alij multi medicorū, cutis affectum, quan-
do exiguis in ipsa uenulis contulis, sanguis per contulionem
effunditur, non uno in loco, protinus in grumos totus coale-

*Ecchymoma
quid.*

scens, qui hoc modo excretus est: sed ubi, ut ipsi uocāt, per dia-
pelin, quod est, subsultationem effunditur. Accidit tamen interdum si quidem ita
constiterit, ut liuescat, atq; etiam tempore procedente nigrescat, exiguis nimirum
grumulis ex sanguine in multas cutis particulas disperso, generatis. Vnde nō im-
merito id medici quamprimum curare accelerant, priusquam nigruerit: eō sanē
curationis consilium dirigentes, ut sanguinem dissipent: non ignari ægrè posse di-
scuti eum, qui in grumos iam coierit. Quia uero tunica uenularum, ex quibus san-
guis exilit, contunditur, miscetur digerentibus medicamentis nonnihil astrin-

gentium * : si enim solam digerentem uim haberet medicamentum in principio
applicatum, non modo id quod effusum est digereret, sed & per contusiones ali-
quid sanguinis, qui contulis uenulis continetur, extraheret. Quando autem in na-
turalem itatum uenulæ redierint, citra astrictionem ad digerentia medicamenta
uenire tempestiuum est. Quemadmodum itaq; de alijs affectibus pleriq; medico-
rum indistinctè scripserūt auxilia, ita & in his sine dictis iam à me distinctionibus
prodiderunt simpliciter sugillatorum auxilia. At uos eorum memores quæ in li-
bris de simplicium medicamentorum facultate didicistis, diiudicare poteritis, quæ
dam oportere tantum discuti citra astrictionem. Porro in quibus modicè astrin-

** Vetus addit,
per imitia.*

gentium quiddam, necnon digerentium miscere conuenit, perspicuum est im-
becilliora primum debere assumi: ualidiora autem inueteratis, & ijs quæ nigre-
scunt admoueri. Itaque exempli gratia quibus ego utor ascribam primum, de-
inde ad medicorum fide dignorum historiam digrediar. Vocatur autem diarho-
don Nili, celebre iam olim collyrium, cuius etiā compositionem in præcedente
hunc libro percensui. Hoc ex aqua super cotem ocularium conterens, sugillatum
illino, decocto prius meliloti & fœnuigraci fouens: deinde mox idem collyrium
ex eo soluo, postea ex ipso fœnuigraco. Si uero aliqua reliquæ affectus remanse-

rint, in fœnuigraci decocto, collyria diasmyrnon appellata dissoluens illino. Con-
ducit autem bis in die medicamētum inungere, ac simul prius decoctis calidis per
spongiam mollem fouere, in principio quidem ex utrisq; & fœnuigraco, & meli-
loto: cum in uetustatem incidit, ex solo fœnuigraco. Hic curationis modus ut plu-
k